



唐大詔令集第二十七

皇太子

立太子

立秦王為皇太子詔

立中山王為皇太子詔

立晉王為皇太子詔

立代王為皇太子詔

立平王為皇太子詔

立郢王為皇太子詔

立忠王為皇太子制

立宣王為皇太子制

立廣陵郡王為皇太子詔

立鄧王為皇太子詔

立遂王為皇太子詔

立景王為皇太子制



立魯王為皇太子制  
立陳王為皇太子制  
立惠王為皇太子制  
立秦王為皇太子詔

儲貳之重式固宗祧一人元良以貞萬國天冊上將太尉尚書  
令陝東道大行臺尚書令益州道行臺尚書令雍州牧蒲州都  
督領十二衛大將軍中書令上柱國秦王某氣質冲遠風猷韶  
茂宏圖昔著美業日隆孝惟惠本周於百行仁惟任重加以萬  
物王迹初基經營締構戡剪多難征討不庭嘉謀獨舉長筭必  
尅敷政大邦宣風區奧功高四履道邁二南任摠機衡庶績惟  
尹職兼內外彛倫載穆遐迩屬意朝野具瞻宜承鼎業允膺守  
器可立為皇太子所司具禮以時冊命武德九年六月

立中山王為皇太子詔

尚書奏議以為少陽作武元良治本乾奉宗祧式固邦家中山王  
承乾地居嫡長天姿岐嶷仁孝純深業履韶茂早聞獻哲幼

觀詩礼允茲守器養春宮朕欽承景業嗣膺寶圖憲則前王思  
隆正緒宜依眾以答僉望可立承乾為皇太子武德九年七月

立晉王為皇太子詔

昔者哲王受圖上聖垂範建儲兩以奉宗廟提監撫以寧邦國  
既義在於至公事兼於權道以賢而立則王季興周以貴而升  
則帝明定漢詳諸方冊豈不然乎并州都督右武侯大將軍晉  
王治地居茂親才惟明惠至性仁孝淑哲和惠夙著夢日之祥  
早流樂善之譽好礼无倦强學不怠今承華虛位率土繫心疇  
咨文武咸所推戴古人云知子莫若父知臣莫若君朕謂此子  
寔允眾望可以則天作貳可以守器承祧永固百世以貞萬國  
可立為皇太子所司備礼冊命正觀十七年四月

立代王為皇太子詔

游雷揚祉承祧之道爰著重離闡曜守器之方斯存故能撫寧  
軍國承保邦家詳覽瑤圖緬瞻遐冊繼業垂統咸率茲典代王  
弘道居嫡胤天縱英徽器質繼華神鑒昭遠恭謙表志仁孝居

心夙章睿哲之心風早通詩書之業朕以虛薄方啓无疆之祚永傳不朽之基取則前王思隆正緒宜升上嗣養惠東宮可立為皇太子仍令所司擇日備禮冊命永徽七年正月

立平王為皇太子詔

舜去四凶而功格天地武有七德而戡定人黎故知有大勲者受神明之福杖高義者為七鬯之主朕恭臨宝位亭育寰區以萬物之心為心之兆人之命為命惟承繼之道咸以家嫡居尊而无私之懷必推功業為首然後可保安社稷永奉宗祧第三子平王隆基孝而克忠義而能勇比以朕居藩邸度守國彛貴戚中人都無引接驕邪害正光黨寔繁利口巧言讒說罔極韋温延秀朋黨競起晋卿楚客交構其間潜結回邪排擠端善潜貯兵甲將害朕躬隆基密聞其期先難發奮挺身鞠旅眾應如歸呼吸之間光渠殄滅安七廟於幾陸濟群生於將隕訪舜之功過四比武之惠逾七靈祇望在昆弟樂推一人元良萬邦以定為君副者非此而誰立為皇太子有司擇日備儀注冊命唐隆元年六月

立郢王為皇太子詔

樹之后王所以輯寧黎獻承之儲副所以安固宗祧故能崇四術之科為萬國之本長幼君臣之序齒胄知歸温文恭敬之風群生攸属古之制也其在茲乎郢王嗣謙聰睿夙成端莊特秀三雍禮樂必也生知五官詞藻居然暗合躡道為器非假於季

鄧

問資靈受惠自符於神解夏弦春頌地義天經立人道之既彰為子之誠益著今升平在運中外咸寧將有事於元良固不踰於三善宜光近日之敏俾則前星之耀且以來年正月四日備禮冊為皇太子所司准此開元二十七年十月

立忠王為太子制

孫逖

門下大寶曰位實在乎在承萬邦以貞必建於明兩朕嗣守鴻業祇嚴永圖恭惟七鬯之主豈捨人神之望開府儀同三司兼單于大都護河北河東行軍元帥朔方軍節度使兼關内支度營田鹽池押諸藩部等大使上柱國忠王璿天假聰明生知仁孝君親致孝悌二成温文之惠合於古訓敬愛之風聞於天下嘗

亦視其所以察其所安考言有章詢事皆中知子者父允叶於元  
良以長則順且符於舊典宜膺擇嗣之奉俾受外儲之命可立  
為太子仍取來月內擇日冊命所司准此武開元二十六年六月三日

立宣王為皇太子制

主器者莫若長子繼明者必建儲兩既已傳重亦以崇本則君  
親之大義帝王之弘範無先於此矣朕以眇身纘承丕緒夕陽  
祇畏惟懷永圖承八葉之耿光居四海而稱大則七鬯之主深  
盛之重樹元貴嫡有邦之先宣王誦生知古訓既賢且長聰敏  
明博恭孝友不自滿般率由憲章慶發高禔光由甲觀為子之  
道惟父能知審觀其志宜承大統固能摠戎暨撫載乎鼎實不  
絕馳道謙敬益崇問安必自於因心立孝固知其讓齒昇茲上  
嗣庶貞萬國可立為皇太子宜令所司擇日備禮冊命建中元年正月

立廣陵郡王為皇太子制

鄭絪

萬國之本屬在元良主器之重歸于長子所以固社稷正邦統固  
之制也廣陵郡王純孝友在敬慈仁忠恕博厚以容物寬明而愛  
人祇服訓辭文皆合雅講求典禮學必承師居有令問動无違  
德朕獲纘丕緒祇若大猷惟懷永圖用建儲貳以承宗廟以奉  
粢盛爰舉舊章乃俾茂典宜冊為皇太子改名統仍令有司擇  
日備禮冊命正元二年三月

立鄧王為皇太子制

門下朕聞君天下者緒承統業何嘗不樹儲建貳安固邦家况  
長子有主器之又元良貞立國之本上以嚴宗社之重下以順  
恒久之宜歷号前載率由斯道鄧王寧性與忠敬生知孝友秉  
寬明之度躰慈愛之心學師訓謩詞上經雅動皆中禮慮不違仁  
稽以舊章允膺上嗣朕獲纘丕緒夙夜夙夜常懼神明未敢政  
理多闕曠茲茂典亟涉歲時今屬方內補寧品物咸遂覽皇王  
之制詢卿士之謀時瞻大猷莫此為甚是用授之七鬯位以青  
宮欽為永圖俾奉休命宜冊為皇太子令有司擇日備禮冊命  
主者施行元和四年四月

立遂王為皇太子制

英華四百四十三  
玉堂遺範

門下承廟祧之尊固邦國之本重其緒業貞以元良斯合古通  
之制也乃者春宮曠位已涉歲時裸獻闕主鬯之儀膠庠虛齒  
學之道其何以億寧方夏彰示教源稽諸往冊用舉彝典遂王  
宥孝敬忠肅寬明惠和遵保傳之言佩經訓之主友于兄弟睦  
于宗親博愛而恕己以誠慎行而飭躬以禮載觀所履克慎厥  
謀宜升儲闈以對休命朕祗若成憲惟懷永圖法三王垂統之  
規紹十聖重光之烈致嚴禋配俾奉粢盛式昭上嗣之崇庶叶  
明離之吉宜冊為皇太子改名恒仍令有司擇日備禮冊命主者施行元和七年

立景王為皇太子制

門下朕聞王者敬承廟祧欽若天命必建元子用寧邦家所以光叶  
繼明嚴當主鬯朕纂成聖緒夤奉丕圖惟懷國本之安爰在皇儲  
之重而青宮久曠望苑未開則何以表式元良昭宣鴻業稽於往  
冊用舉彝章長男景王湛孝愛恭和忠敬誠懿慈惠持稟寬仁  
夙彰言通典謨動合儀矩睦友宗屬遵承傳道克修令問日茂  
佳猷宜踐儲闈以承命君尊父嚴每推乾道間詩學禮用首人倫

嘉翼於誠心覩蒸於孝敬古稱知子先讓前修俾奉粢盛式昭  
元嗣宜冊為皇太子有司擇日備禮冊命主者施行長慶二年十二月七日

立魯王為皇太子制

禮重承祧義承體繼思崇可器必務建儲王者所以固大本而貞  
勵國也魯王允溫仁寬明聰敏孝愛動若至性居至性居无放  
心樂善承顏曠度容衆恭勤詩書之教率由忠厚之風懿茲猷  
徽光我胤嗣朕纂承寶位丕寧永圖欽若建章用建儲貳爰俾  
主鬯以率問安統正龍樓之榮昭宣甲觀之兆宜膺茂典允屬元  
良宜冊為皇太子宜令所司擇日備禮冊命大和七年八月

立陳王為皇太子制

門下古先哲王之有天下也何嘗不正國本而承天序建儲貳而  
主重器朕以寡昧祗荷丕圖虔恭寅畏思固鴻業慎擇令懿曠于  
旬時而卿士獻謀龜筮告吉以為少陽虛位願舉盛儀列聖垂  
休俾合予志選賢而立式表無私敬宗皇帝第六男陳王成美天  
假忠孝日新道德溫文雅合謙敬保和裕端明之体度尚書詩

之辭訓言皆中礼行不違仁是以訓考舊章欽若成命授之七鬯以奉粢盛宜回朱卮之榮俾踐青宮之重可立為皇太子宜令所司擇日備礼册命開成四年十月十四日

立德王為皇太子制

我國家上法夏殷遵遠漢魏爰設儲貳式固宗祧既明兩而作  
離在立嫡而惟長矧茲冲耿獲嗣丕基將弘永圖宜舉令典德  
王佑朕之元子孝敬日躋早茂温文克將岐嶷屬者朝廷多故  
兵革尚興懷柔方務於舞于典禮未行於主器而忠臣獻議百  
辟上言請建元良至于三四以奉祖宗之教必在前星係億兆  
之人心宜崇嗣体由是考彼史册詢于著龜厥惟舊章乃建嘉  
命尔其嚴奉師傅敬慎威儀必使流慶萬邦垂芳三善稟教諭  
之道作圖謀之祥忽怠令猷克光帝載服我明訓永孚于体可  
册為皇太子仍改名裕令所司擇日備礼册命韞寧四月

唐大詔令集卷第二十七

唐大詔令集卷第二十八

皇太子

册文

册晋王為皇太子

册代王為皇太子

册平王為皇太子

册郢王為皇太子

册忠王為皇太子

册成王為皇太子

册雍王為皇太子

册廣陵郡王為皇太子

册鄧王為皇太子

册遂王為皇太子

册景王為皇太子

册魯王為皇太子

冊德王為皇太子

冊晉王為皇太子文

維貞觀十七年歲次甲辰四月某朔日於戲惟尔并州都督右  
武侯大將軍晉王治忠肅恭懿宣慈惠和仁孝於自然信義備  
於成德禎祥夙著睿哲日新永言少陽七鬯是寄疇茲朝列卿  
士協從是用命尔為皇太子往欽哉尔其思王道之艰难遵聖  
人之炯戒勤修六德免行三善死或非履道无非以彰名非任  
奢无或理乖彛倫遠忠良而近邪佞非履道无非以彰名非任  
賢無以成德尔身善国家以安尔身為惡天下以殆穆九族而  
礼庶僚懷萬邦而憂遐裔兢兢業業无怠无荒克念尔祖宗以  
寧我宗社可不慎欤

冊代王為皇太子文

維永徽七年歲次丁巳正月景寅朔六日辛未於戲夫明兩載象  
道貫三才元良表德業隆千古是以夏啓作貳光闡高猷姬誦升儲  
發揮王道詳求典冊式瞻七鬯固本垂統允歸正緒惟尔代王弘

猗蘭毓祉喬桂凝華岐嶷表於天姿符瑞彰於神授器業英遠  
風監韶朗踐嘉義而摠深仁捨幼志而標成德爰資玉裕早振  
金声朕虔奉靈圖夙膺丕業仰惟七廟之重思隆萬葉之廢疇  
咨列辟欽若前修是用命尔為皇太子往欽哉其祇奉憲章率  
由軌度盡謙恭於齒胄審方俗於郊春礼冬詩趨庭靡懈三  
善六德勗志无驕絕驕奢之心納忠臣之訓播微猷於外宇  
申敬奉於中闈允睦周親務殷克族永隆四術式寧万類無荒  
無怠固保我宗基可不慎欤

冊平王為皇太子文

維唐隆元年歲次庚戌七月庚戌朔二十日己巳皇帝若曰天有丕命集寶  
位于朕躬所以奉若天道建茲元嗣其明聽朕言咨尔平王隆基幼  
而聰允長而寬博有夙成之量焉夫礼以修外樂以修内者是務  
之於文也春夏學于戈秋冬學羽籥者是兼於武也繫於百姓由  
於天下者由是於仁也一日三朝嘗藥侍膳者是資之於孝也尔  
有文武仁孝之德以知父子君臣之道朕甚休之間者賊臣構逆窺



四百四十三  
窳神器則我有唐之祚危若綴旒尔義形家邦忠衛社稷誅其凶  
惡以之康濟主七鬯者非尔而誰是用命尔為皇太子古人有言曰  
尔身克正罔敢不正尔罔不中惟尔之忠昭昭臨下不可不畏慎  
簡乃僚允迪端士恭儉惟德遠於儉人則万邦以貞谷揚我四聖  
之鴻烈敬之哉

冊郅王為皇太子文

維開元三年歲次乙卯正月甲申朔四日丁亥皇帝若曰於戲書不  
云乎一人元良萬邦以貞易不云乎黃離元吉得中道也將以守監  
從撫王器承祧執經陳東序之容端冕見南郊之禮本之百代  
宜我福祿咨尔郅王嗣謙忠肅恭懿元良利貞遵在鎬之惠慈稟  
生譙之祥應學能知道孝乃因心書及春卿懸推早秀言窮叔  
舉遠愧生知當試象之年備成人之敏九玄贊命百姓與能正  
位少陽欽惟大典是用命尔為皇太子其在靖恭尔惟聿修厥  
德詩書禮樂敦悅為本父子君臣威儀罔忒寢門問豎必視寒  
暄望遠招賢用資端直使三靈合契四海係心延我累聖之

業積尔重輝之慶必敬必戒無怠無荒往欽哉可不慎欵

冊忠王為皇太子文

四百四十三  
維開元二十六年歲次戊寅七月戊寅朔二日己巳皇帝若曰於  
戲受天命者皇王之業大為國本者儲副之位崇所以上承宗  
祧下固黎猷咨尔開府儀同三司單于大都護河東河北道行  
軍元帥朔方軍節度大使兼關內度支營田鹽池押諸蕃部  
落等使上柱國忠王璵幼而夙成長有宏量佩服仁義周旋禮  
樂忠孝極於官親友爱聞于兄弟正以率下謙以持盈識動於  
微知周於物通刑政之大躰負文武之殊能果於積德樂而為  
善凡此數德嘗試皆能然豈矜知子之明諒曰至公之義况復御  
稽天道俯察人心立長則順天所助也議才則賢人之望焉是  
用命尔為皇太子往欽哉尔其敬膺典策無忘識慎思創業之  
多難知守器之為重作貞方國允協重明以揚列祖之耿光永  
貽多嗣之承式可不慎欵

冊成王為皇太子文

維乾元元年歲次戊戌十月庚子朔五日甲辰皇帝若曰於戲自昔聖王咸建儲貳蓋將嗣守神器虔奉宗禋是以禮經著元貞之德易象載重明之義朕纂服鴻緒丕承前烈爰升七鬯之賢是符當璧之命咨尔太尉成王倣道備文武生資睿哲温文彰於日就孝友稟於天成往以兇醜乱華干戈集事是能出陪戎駕入奉廟朝克符丹水之帥實剪綠林之盜所謂功定社稷義寧君親今万邦以貞三善斯属宜膺上嗣之典俾踐少陽之位是用命尔為皇太子以副朕躬尔其思王業之艰难遵聖人之炯戒非尊賢无以成德非廣孝无以承親遠斥便佞詢謀正直兢兢業業庶保于大猷然後無忝尔祖宗克寧我邦國往欽哉丕膺景命可不慎欤

冊雍王為皇太子文

潘炎

維廣德二年歲次甲辰三月戊辰朔二日己巳皇帝若曰昔在哲王必建元子上以本宗廟下以係生人固本乃安立長乃順經明者是稱其兩樂善者不止于三資于君父之運間在神明之側

稽古承武肆予命汝天下兵馬元帥尚書令雍王适智宗天錫惠茂日新文實志經武兼講藝孝性於深尤切於問安識蘊其明更精於簡牘奉辭伐叛稟命成師積稔逋誅一戎底定業著于内功加于時方萬以貞朕志允定用是命尔為皇太子以踐于儲官往欽哉無以副忘其恭无以不會易其度規畫書之得失思締構之艰难夙夜惟寅主茲七鬯永懷我高祖太宗之丕命可不慎欤

冊廣陵郡王為皇太子文

維貞元二十一年歲次乙酉四月庚午朔七日乙巳皇帝若曰建儲貳者必歸於上嗣固邦本者允属于元良咨尔元子廣陵郡王某幼挺岐嶷長標洵淑佩詩禮之明訓稟忠孝之弘規居常保謙動必循道識達刑政器含温文愛敬奉於君親仁德聞於兆庶神祇龜筮罔不協從是用命尔為皇太子於戲維我烈祖之有天下也功格于上帝祚流於無窮光續洪緒逮予十葉虔恭寅畏日慎一日付尔以承祧之重勵尔以主鬯之勤以貞万國之心以

揚三善之德爾其尊師重傅親賢遠佞非道勿履非礼勿行對越天地之耿光丕承祖宗之休烈可不慎歟

冊鄧王為皇太子文

維元和四年歲次己丑十月癸酉朔十八日庚寅皇帝若曰於戲昔禹有聖子克承父業故三王代襲以天下為家我唐受天明命垂三百年欽惟十聖虔嗣寶曆亦罔敢越于丕知傳叙相受以及予一人獲奉珪幣事上帝承宗廟夙夜祇懼不敢荒寧永惟負恩思建儲貳瀕假五載相時一德允属于尔元子鄧王寧惟尔兩曜分輝五行摠秀体資上哲性被至仁粵在幼冲挺然岐嶷寬厚之量匪由師訓温文之德稟自生知爰撫藩封式崇盤石河間之泉懿決策不窮東海之開明視牘能辨陪享宗祀贊獻郊禋展礼克誠執事惟敬勤襲子道左右朕志旋觀表識宜踐青宮訊于著龜靈命不二謀及卿士人心協同尚膺七鬯允事監撫是用命尔為皇太子往欽哉莫尊匪君尔為之臣莫親尔父尔為之子愛敬誠矣忠孝並焉尔其虛受以下賢齊肅以成德無以崇廣己無以

怠忽臨人繼明四方作貞萬國永言配命可不慎歟

冊遂王為皇太子文

維元和七年歲次壬辰十月景戌朔十七日壬寅皇帝若曰於戲建立儲嗣宗嚴國本所以承祧守器所以繼文統業欽若前訓時為典常越我祖宗克享天祿奄宅九有貽慶億齡肆予一人序承丕桷纂武烈祖之洪本枝受无疆之休亦无疆惟恤負荷斯重祇勤若厲永懷嗣訓當副君臨咨尔遂王恒体乾降靈襲聖生德教深蕴瑟氣叶吹銅早集大成不屑幼志温文得於天縱孝友因於自然符采昭融器業英遠爰膺錫社實寄維城懿河間之不群慕東平之最樂自頃离明輟曜震位虛宮地德可尊人神攸属式稽令典載煥徽章是用冊尔為皇太子往欽哉有匡而家有君而父兼義二極重繫万邦何好非賢何惡非佞何行非道何敬非刑居上勿驕從諫勿拂懋茂乃德惟懷永圖用陪貳朕躬以對揚休命可不慎歟

冊景王為皇太子文

維長慶二年歲次壬寅十月丁亥朔二十日景午皇帝若曰於戲惟辟奉天必建儲位率命上嗣以立人極所以大一統而貞万邦也粵我祖宗乃聖乃神繼体垂休奄宅四海洎于寡昧祇荷丕叙夙夜兢勵深惟永圖用稽古今嗣以承無疆之慶咨尔元子景王湛粹哲自天温文在躬夙成厚德弗形幼志爰表謀社克彰孝恭敏事居敬日新其度用是命尔為皇太子尔其欽哉主善勿義由礼勿違勉以入德勤以聚學修志罔怠自誠而明則可以刑于邦家對於上下用光我烈祖之休命可慎不欤

冊魯王為皇太子文

維大和七年歲次癸丑八月甲申朔七日庚寅皇帝若曰王者欽若天道君臨万方必崇上嗣以固邦本所以尊守器而重承祧也我祖宗受天明命光宅區夏立光被于生靈利澤霈于遐荒逮于寡昧繼續洪緒虔寅畏懼不克負荷思崇大典用建元良俾膺主鬯之重式叶奉先之慶咨尔元子魯王永惟哲淑庄明温文粹和夙表岐嶷生知孝敬洎茅苴分社盤石啓藩蘊東平樂善之心慕河間大雅之操天縱宏量日新令猷人神協志著龜獻兆用命尔冊為皇太子往惟欽哉修己有度故事无違居必思人動必率礼誦道勵學親師尚賢則可以正耀於前星配德於重海以承列祖以奉深盛恢弘懿畜无忝丕命可不慎欤

冊德王為皇太子文

薛庭珪

寧

四百四十二

維乾元四年歲次丁巳三月癸卯朔十四日己未皇帝若曰夫立爰惟明建善則固先王盛躅有國丕畜承祧仰鏡於前星守器適當乎長子遐瞻載籍眇覲洪荒雖步驟隨時質文異制逮於傳序罔不率循國家高視百王同符三代平一區宇統和人神垂三百年歷十八葉暨朕寡昧祇荷景靈屬天步艰难代宗牢落蒸人未乂舊典負曠庶尹卿士藩輔元僚思正儲闈式固鴻業咨尔長子德王裕象叶曾構明啓少陽温文在躬睦及成性博聞強識无愧於老成學礼讀書庶資乎師訓  
迺揖群議爰咨舊章是用命尔為皇太子嘻毓問承華重輝望苑永貞萬國明詔四方入則有師出則有保无怠三善徃崇四

術務親正人誠近邪僻淑慎尔止峻防所岐勉尔厥猷罔墜訓

唐大詔令集卷第二十八

唐大詔令集卷第二十九

皇太子

冊太子赦

景雲元年冊太子赦

開元三年冊皇太子赦

開元二十六年冊皇太子赦

立成王為皇太子德音

貞元二十一年冊皇太子赦

元和四年冊皇太子赦

元和七年冊皇太子赦

長慶二年冊皇太子德音

大和七年冊皇太子德音

加冠

皇太子加元服制

皇太子加元服宴百官詔

改名

皇太子諸王改名勅

齒曹

皇太子國監釋奠詔

皇太子詣太學詔

冊太子赦

景雲元年冊皇太子赦

四百二十  
不同

天下公器非上聖无以運其機域中大業非元良无以固其本朕  
 欽若靈命寅奉神宗屈己順人用安四海承祧主鬯實貞万国頃  
 者家臻大憫在疚為憂臬鏡滿朝豺狼塞路武職戎政必任凶  
 徒國要時權咸昇逆黨社稷之守望絕苞桑忠義之懷誰其艾  
 棘階禍稔惡伺隙乘間煩言碎辭所不勝述皇太子諱正氣凝  
 姿端命毓德自家形國英歲日湛移孝為忠雄謀電發北軍馳  
 入掃挽搶於紫衛南宮反正開日月於黃道平乱寧夏翼  
 戴朕躬一旅不勞功逾復禹百神咸舉事遯興周聲應吹銅  
 望歸當璧今遣司空讀冊命侍中授璽寶由立義豈曰尚親承  
 華肇開元嗣以建宜申遊雷之澤仍紀景雲之瑞可大赦天下  
 改唐隆元年為景雲元年内外官子為父後者賜勳一轉公卿  
 各舉孝友忠正堪任東宮官一人

開元三年冊皇太子赦

英華四百四十三  
內制

黃門朕聞王者神器天之大業震百里而崇孟侯昭四方而建  
 元子其所由来尚矣我國家恭天貳地濟以豐功祖武宗文承  
 於密命顧循菲德夤畏鴻名太上皇命朕以位卿大夫補朕之  
 闕僉率先自迹稽古為新國本不可以不立故宵衣當宁聞義  
 是將朝服昇階擇賢而舉皇太子嗣謙生知禮樂性成仁孝字孫  
 之愛則敬不絕馳問豎之安則恭而至寢觀其言精視牘思敏  
 題鞭固以纘東序之討論契南山之調護今少陽踐位獻歲發  
 春草樹自樂乾坤交泰副君之勝已別其宮太史之書更藏於  
 府帝圖斯永人望所歸庶符知子之明豈獨在子之慶用施寬  
 光于政理今望苑初開端僚是切天下有高才懋德碩學純

儒比迹春卿齊名夏綺具以微辟疋

開元二十六年冊皇太子赦

制曰自昔聖人恭有神器必立儲兩宗其繼明所以尊宗廟而重社稷也朕獲纘丕運丕承寶歷五聖之業敢不克勤万邦之本期諸永固是以式遵彛訓乃擇元良太子璵植性温恭因心孝友文武之道既著君親之義以弘有命之初咸門慶躍興言庶能叶朕心是用擇以吉辰申之冊命思惠率土以暢休期可大赦天下自開元二十六年七月二日昧爽以前大辟罪已下罪无輕重已發竟未發竟已結正未結正繫囚見徒常赦所不免者咸赦除之比年以來十道採訪使道官人惡狀以其微瑕為終身之累豈得永无甄叙許以自新宜令御史臺及刑部大理寺參詳所犯輕重類例條奏内外文武職事官九品已上各賜勳一轉五品已上子為父後者亦賜勳一轉其忠王府官及侍讀侍文侍書除賜之外二品以上賜爵一級四品已下各加一階仍並即與改轉緣冊命行礼官各賜物有差今月番見上飛騎万騎監門直長三衛引駕細引執扇黃衣長上等各賜勳一轉驍騎番兵各於免一番天下侍老八十已上各賜粟三石帛三段百歲已上賜粟五石帛五段並加板命至如磧西行人遠路遙遠往復勞弊頗異諸軍其中願長往者已别有處分訖年鎮向滿應合放還未到之間稍宜優假其家内諸色差科並宜放免如有營農不自辦者州縣量事借助各使存濟京畿近輔百役所出雖庶務簡省終異於諸州其百姓等應單貧下戶者特放今年半租率土之内賜酺三日

立成王為皇太子德音

守器為重擇賢而立万国由其永貞百王以之垂範盖以重社稷而奉窳盛也朕纘承洪緒惟懷永圖丕膺皇極既符域中之大茂建元儲用崇天下之本皇太子倣植性恭懿因心孝友文武之德克間於日躋君親之誠實表於天性時属艰阻義扶宗社故能外清玄稔内復圖由是肇啓承華懋昭嘉緒令撰辰斯及冊命攸行宜承繼明之慶俾廣存雷之澤可大赦天下

頃者頻興大典累洽殊私率土之間屢經蕩滌猶慮近有抵犯或滯狴牢其天下見禁囚徒以上罪一切放免内外文武官三品以上賜爵一級四品以上各賜加一階五品以上官子為父後者賜勳兩轉頃緣國用不足頒賜未周今所鑄新錢數盈於萬其京官文武五品已上及常參官六軍將士東北京留守及諸道節度將士等各賜有差其唐元功臣成都元從及朕元從切臣等普恩之外更賜一爵四品以下更加兩階其在靈州及寧州至鳳翔者仰所司類例更遞加一等皇親及諸色陪位人各賜勳兩轉其鴻臚蕃客共賜絹一千匹天下義夫節婦順孫旌表門閭終身不事京官五品已上各舉忠正孝友文儒周慎堪任東宮官者務取實才不得虛薦今餘寇未殄有脅在賊中未歸順者一切不以為罪其有受賊節制能以兵降者酬其封爵且為政之要求賢是急比令中外薦舉多非實才所以詢事考言登科蓋寡猶慮巖穴之内尚有沉淪宜令所在州縣更加搜擇其懷才抱器隱遁丘園並以禮徵送如或不赴具以名聞凡與前科且

相當一切委内外文武五品以上有所知者不限人數任各薦聞如自舉者亦聽於所存投狀有堪任用不限常資其行人家及羸老單貧鰥寡悼獨已頻有處分宜令州縣長官倍加優卹應緣冊禮職掌要重者及撰冊書冊官禮官等並恩之外賜勳兩轉其禮儀使特賜一階副使普恩之外賜爵一級勅文有不該者所司類例奏聞

乾元元年十月

貞元二十一年冊皇太子赦

鄭綱

門下惟先格王光有天下必正邦本以立人極必建儲貳以承宗祧所以啓迪大猷安固鴻業斯前代之令典也皇太子純繼體秉投恭敬溫文德協元良禮當上嗣朕奉若丕訓憲章成式永惟社稷之重載考春秋之義授之七鬯以奉粢盛爰以令辰俾膺茂典今冊禮云畢慶咸交懷思與万方同其惠澤可大赦天下貞元自二十一年二月二十四日已後至四月九日昧爽已前天下應犯死罪特降從流流已下遞減一等文武常參官并州縣府官子為父後者賜勳兩轉古之所以教太子必茂選師傅以翼輔之俾法於訓詞



而行其典禮左右前後罔非正人是以教諭而成德也給事中陸贄中書舍人崔樞積學懿文守經據古夙夜講習庶叶于中可充皇太子侍讀天下孝子順孫先旌表門閭者委所管州縣各加存卹五嶽四瀆名山大川委所在長史量加祭祀

元和四年冊皇太子赦

朕丕承寶圖撫有方夏夙夜寅畏不敢荒寧永惟祖宗之鴻業歷考王之令典思所以垂統立極事神保人推明至公安固大本尊廟祧而主七鬯嚴社稷而奉粢盛俾開春闈乃命元子斯古今之通誼也皇太子寧清明休仁莊敬好礼

君親之誠允諧詢謀用建儲貳爰以吉日冊于明庭鼓鍾載和文物大備盛禮云畢慶感良深是宜布澤申恩自中達外厥有前躅舉而行之自元和四年十月十八日昧爽以前天下應犯死罪非殺人者降從流罪已下遞減一等左降官未經量移者與量移文武常叅及諸州府長官子為父後者賜勳兩轉應緣冊禮行事官賜階及勳爵有差鄧王府官量與進改大舖翼元

良教諭成德使目睹正事耳聞正言形于施為漸于心術非齊莊忠慤之士不在茲選工部侍郎歸登給事中呂元膺並踐履端方行義修潔通於經訓而得其要達於教化而蹈其中侍講承華師範磐石訪乃公議副予精求並可充皇太子諸王侍讀登宜加一階元膺宜賜紫金魚袋天下孝子順孫先旌表門閭者委所管州縣各加存恤五嶽四瀆名山大川委所在長史量加祭祀

元和七年冊皇太子赦

崔群

王者司牧黎元紹慶統緒必建儲貳以貞家邦故春秋垂冢祀之文易象著震方之位朕屬承景運嗣守丕圖稽前王之令模奉列聖之彛訓上以嚴宗祧之顧下以繫億兆之心无疆之休用崇主鬯祗荷成憲敢怠于懷皇太子恒忠孝温文率義由礼寬粹莊重自誠自明慶靈所積姿器夙茂能辨南陽之牘允符東海之貴承華載啓命以居之撰吉展儀神人允洽舉是典冊授之軒墀百辟在庭四方來賀以言承序所感則深永惟固本為慶滋大宜弘欽卹之令亦覃命賜之恩與衆共之無恩不被自元和七年

十月十七日昧爽以前天下應犯死罪非殺人者減一等左降官流人並與量移如因流貶所下歿及得罪之人並任歸葬文武常參官及諸州府長官子為父後者賜勳兩轉應緣冊皇太子行事官加階賜勳爵有差文武常參官及陪位官并宗主諸親賜勳一轉遂王府量與進居春闈毓德肇錫嘉名磐石聯華義深敷序禮王寬宜改名惲深王察宜改名惇洋王寰改名忻絳王察改名悟建王密改名恪夫習近遷性聖賢所慎詳觀古昔輔正元良必惟其人朝多講訓然後明君臣父子之道通禮樂教化之情自非學究宗源行可師範則无以膺茲茂選式是儀刑其皇太子及諸王侍讀宜委中書門下精擇以二人具名奏聞天下孝子順孫先旌表門閭者及高年廢疾者委所管州縣各加存卹五嶽四瀆名山大川委所在長吏量加祭祀布告遐迩咸使聞知

長慶二年冊皇太子德音

朕上奉廟祧下寧邦國承烈祖垂鴻之慶當累聖奕葉之尊祇膺寶圖敬守丕業本朝獨立象之重表青宮建嗣之宗元

良以貞國本斯固皇太子諱恭孝溫文生知夙稟日者春闈尚曠東序未興朕常訓以義方舉明嚴敬匪資調護已達詩書克保承休爰當主鬯膺茲典禮感良深天踐位少陽允孚明命用弘惠澤庶洽兆人自長慶二年十二月二十日昧爽已前天下應罪合死除犯賊降從流流罪已下減減一等左降官及流人並與量移亡歿者任歸葬文武常參官及諸州府長官子為父後者賜勳兩轉緣冊太子攝太尉稱賀侍中丞旨宣制進中嚴外辨攝中書令讀冊授冊各賜爵一級其行事職掌官及書室昇舉冊室禮儀使禮官等三品已上賜爵一級四品以下加一階撰冊文官特加一階仍並賜物有差導引官各加一階鑄造冊室及禮生等賜勳有差文武常參官及陪位并宗子諸親賜勳一轉景王府量與進改大師諸友善庶發清明習近性遷必資弘道所以慎簡師傅用保元良其太子侍讀宜委中書門下精擇二人具名聞奏

大和七年冊皇太子德音

門下帝者承天地貞邦國法明萬之象固鴻業之本必命元子以備  
儲闡斯皇王之令謨古今之丕典朕祇受眷祐虔恭寶圖欽若彛  
章光修聖緒皇太子永幼稟仁智生知孝愛躰溫文以立德資敏  
哲以保躬寬裕有常貞慎无怠爰膺盛禮俾奉清宮嚴宗廟主  
鬯之儀遵朝夕視膳之節冊命云畢感悅良深問安既慶於寢  
門布澤宜覃於天下自大和七年八月七日昧爽已前天下應犯  
死罪降從流流以下罪遞減一等唯官典犯賊及故殺人刳獄奪用  
持杖強盜者不在此限左降官流人並與量移如因貶及諸色得  
罪人所在亡歿並任歸葬宗周之盛實在於維城二漢之隆亦由於盤石  
自開元以後累聖子孫皆長於深宮罔知稼穡不得習詩以修禮樂  
交氣類以叙人倫雖有間平之才莫施魯衛之政永言淪廢深疚  
朕懷諸王等宜以今年已後相次出閤且授緊望已上州刺史上  
佐觀其才能續有序用人倫所先婚禮為重笄年許嫁別有明  
文其十六宅諸縣主亦宜選擇良偶以時出適仍委吏部於諸  
色選人中取情願者擇揀具名聞奏亦當別時加優獎令其于就  
禮儀漢代用人皆由儒術故能風俗深厚教化興行近日苟尚浮  
華莫修經藝先聖之道堙鬱不傳况進士之科尤要釐革雖鄉舉  
理選不可復行然務實抑華必有良術既當甚弊思有改張今  
寰宇又寧干戈已戢皇太子方從師傅傳授六經十二年之後當  
今齒胄國庠以興墜典宜今國子監於諸道搜訪名儒置五  
經博士各一人其公卿士族子弟明年已後不先入國學習業  
不在應明經進士之限其進士學宜先試帖經并略問大義取  
經義精通者次試議論各一首文理高者便與及第其所試詩  
賦並傳其試帖經官便以國子監學官充禮部不得別更奏請  
弘文兩館生齊即並依今式試經畢仍差都齋郎二人覆試須  
責保任不得輒詳替代苟涉情故必加罪責卿大夫者羣下之  
所視遠方之所倣若非恭儉克己廉貞化望而望其服從周不  
可得况朕不宝珠玉不御織華逮于六官皆務儉薄卿大夫得  
不叶朕此志率先兆民比年所頒制度皆約國家今式去其甚  
者稍謂得中而士大夫苟自便身安於習俗因循未革以至今百

官五族起今年十月服冬裘已後其衣服輿馬並宜準大和六年六月十七日勅處分如固違制度九品已上量加黜責其布衣五年不得舉選百姓軍人各委州府長吏漸施教化使自遵行不要便為禁制令其驚擾惠養疲民本於廉吏阜其生殖在絕貪求其諸道方鎮刺史等有聚斂貨財潛行饋遺者委御史臺糾察以間仍委度支鹽鐵分巡院同為訪察不得容蔽親民之官切在守長久於其道政乃可成方鎮刺史三考已下不得輒議替換如理有異等安中書門下訪察就如寵獎如灼然可錄者別與甄昇其或政理有乖害及百姓者即不在滿三考限易訊豐屋傳美俾官彫刻磨礮先賢有戒近者官纔昇於即署位始至於郡符莫不尚其閑閑廣以池榭非惟僭侈踰制實亦耗蠹傷財其百官第宅已造成者並許仍舊今日已後如更有創立新宅及屋宇高大者並委御史臺彈糾必嚴加黜責御史臺所置六氣分糾百司比來因循鮮能舉職起今已後諸司如有身名偽濫盜官錢及違法等事他事發覓者本察御史各並當以

賤斥考課之法前王所重蓋以綜覈史理勵精政途名實苟違將何勸激宜準故事署內外知考使兼令中書舍人給事中各一人監考百姓困窮弊由姦吏政苟不擾民皆自安其司農寺供宮內及諸厨冬藏菜並委本寺自供其菜價仍委京兆府約每年時價支付更不得配京兆府和市其諸陵守當夫宜委京兆府以價直送陵司令自雇召並不得差配百姓寒食杏仁鷄子月進土蘇白麥樹裁選場棘斜修橋柴等便於本戶稅錢內刻折不得更令和市天下諸州縣應納義倉及諸色斛斛除準式每斗二合耗外切宜禁斷仍度支鹽鐵分巡院及出使即官御史切如訪察如間今歲所在農稔其義倉斛斛先有借用處委戶部戶部勾當並須及時慎足文武常叅官及諸州府長官子為父後者賜勳兩轉緣冊太子攝太尉稱賀攝侍中承旨宣制進中嚴外辦攝中書令讀冊授冊各賜爵一級其行事職掌官及書室昇舉冊室禮儀使禮官等三品已上賜爵一級四品以下加一階撰冊文官特加一階仍

並賜物有差導引官各加一階造冊宝填金字裝宝人賜勲兩轉行事流外及礼生等各賜勲一轉文武常叅官及陪位官并宗子諸親各賜勲一轉魯王府官未經進改者量與進改其皇太子侍讀宜委中書門下精擇二人具名聞奏天下孝順子孫先旌表門閭者及年高者廢疾者委所管州縣各加存卹五嶽四瀆名山大川委所在長吏量加祭祀布告遐迩咸使聞知

加冠

皇太子加元服制

元良所以主七鬯奉社稷貞于万国祝以三加皇太子君長德之地務親仁之道爰就師保克修志業寢門問安而資敬太學齒胄而徵善大猷且酌元服宜申史稱周誦之年傳記魯衰之礼粵若敬始謂之成人逮茲建正式展嘉事可以來年正月加元服所司擇日奏聞礼官博士詳考故實允符令典

開元七年十二月

皇太子加元服宴百官詔

皇太子以守器之有重成人之量屬陽和肇歲甲子惟日加元乃服

循于舊章慶因雷游歡洎雲上王公卿士中外案察布以慈惠廣茲須應在會官一品一百疋二品九十疋三品八十疋四品六十疋五品五十疋六品四十疋七品三十疋八品二十疋九品十疋諸州都護都督刺史上佐諸軍及副使亦同在會例宜以當處物給

開元八年正月

改名

皇太子諸王改名勅

勅古之名子必由象類人道之大可无慎乎皇太子鴻及慶王潭以下往所製名或亦未愜令以德命悉宜更太之子鴻為瑛慶王潭為琮忠王浚為璵棣王洽為琰鄂王洵為瑤崇王滉為琬光王浚為琚儀王澁穎王澧為璪永王澤為璘壽王清為瑁延王洞為琦濟王溢為環信王沔為理義王泚為玼陳王漑為珪豐王登為珙坦王漑為瑱涼王浞為璿汴王滔為璫及惠寧王文太子惠宣太子之子皆改從王

開元二十三年二月

齒胄

皇太子国子監釋奠詔

庠序之興教自元子禮經之最莫始先師中古迄今斯道无替  
皇太子隆基天資聖敬日就文明絃誦之業已高元良之德斯  
茂自外儲博望主器承華執經之問雖勤用幣之儀未展今仲  
丁獻吉有事兩塾備禮三尊宜遵舊章俾緝徽典景雲二年八月

皇太子詣太學詔

儒道為百王之政元良乃萬國之貞屬大學舉賢賓庭貢士當  
其謁講故行齒奠所以弘風闡教尚德尊師宜有頒錫以成先  
罷陪位官一品宜賜五十疋二品三品四十疋四品五品三十疋六品七品二  
十疋八品九品十五疋緣行礼及別職掌者各遞加一等六品已下五疋  
為等五品已上十疋為等座主加二等學生賜物三疋得舉者及諸  
方貢人各賜五疋開元七年十二月

唐大詔令集卷第三十

皇太子

監國

神堯命皇太子決斷庶政詔

太上皇崩命皇太子承乾知軍國事詔

太宗征遼命皇太子監國詔

太宗破高麗回怡攝命皇太子決斷機務詔

大帝命皇太子領諸司啓事制

則天太后命皇太子監國制

睿宗命皇太子監國制

允皇太子奏讓政事詔

明皇命太子監國總師徒東討詔

肅宗命皇太子監國制

順宗命皇太子勾當軍國勅

穆宗命皇太子檢校軍國勅

文宗立穎王為皇太弟勾當軍國勅  
武宗立光王為皇太叔勾當軍國勅  
宣宗立鄆王為皇太子勾當軍國勅  
懿宗立晉王為皇太子勾當軍國詔  
僖宗立壽王為皇太子勾當軍國詔  
昭宗命皇太子監國制  
何皇后立輝王為皇太子監軍國令

傳位

神堯傳位皇太子詔  
神堯命皇帝正位詔  
睿宗命皇太子即位詔  
睿宗令明皇摠制軍刑政詔  
明皇令肅宗即位詔  
肅宗命皇太子即位詔  
順宗命皇太子即位詔

順宗傳位皇太子改元詔  
何皇后命太子即位令

監國

神堯命皇太子決斷庶政詔

功

朕君臨率土劬勞庶政昧旦求衣思弘至道而万機繁委成務  
殷積當辰日昊實疲聽覽皇太子世民夙稟生知識量明允文德武功平一  
海內九宮惟叙四門以穆朕付託得人義同釋負遐迩寧泰嘉慰良深自今以後  
軍機時務兵仗倉糧凡厥庶政事无大小悉委皇太子決斷然後奏聞既  
溥天同慶宜加惠澤為父後者若有封爵皆令襲繼諸赤牒擬授職  
事官見任者並即為真其已得替者叅選之日聽依階叙亡官失  
爵者量加擢用逋租宿賦及先負官錢物悉從蠲免文武官人節綬  
頒賜務存優洽稱朕意焉  
武德九年六月

太上皇崩命皇太子知軍國事詔

朕以不天夙罹偏罰假息旦暮分沉苦壞仰賴先皇慈恩鞠育愛  
自幼年至于成家未及弱冠仍屬乱離翼奉義旗身當矢石克平多

方議

難任居藩屏遂復委以萬機膺茲景命口懼虛薄弗克負荷日夜兢兢不遑寧晏加以氣患屢幸九成晨昏定省廢於朝夕今歲停行盡其養禮不謂殃罰深重大行崩背號天叩地无所逮及伏奉遺詔追跡漢文以日易月降其常期願命之旨誠不可違然三年之喪自天子達殷周以來罔弗遵用漢文變古有乖前式祖慈顏日遠所謂无由俯就之文理即遵奉然朕之情切不同前茶毒之心何可堪忍皇太子承乾文過志學謝性聰敏頻年治國理務允諧今欲於東宮平決朕得盡哀廬室終其喪紀望羣公卿士股肱王室興言及此唯增哽絕朝多君子恕朕哀心正現九年五月

太宗征遼命皇太子監國詔

朕以寡薄君臨區夏奉神之祗承命當億兆之重責宵衣旰食憂六宮之未安寒心銷志懼一物之失所穢况僻遠豺狼縱毒元惡尚稽乎天罰遺黎久陷於坑穽朕是以發自瀍澗言巡遼弱命元戎以先驅播凱澤於遐裔省方之務既勞於躬親監國之重允屬於儲貳皇太子治温文表德睿哲日躋仁孝之誠彰於温清而絃

官

誦之美著於膠庠禮義既茂微猷微遠委以賞罰之權任以軍國之政詳諸前載寔惟令典發定州巡遼左之後宜令太子治監國其宗廟社稷百神咸主祭軍國事務並取決斷正現十九年正月

太宗破高麗回怡攝命皇太子斷決機務詔

朕粵在妙年時逢道喪懷生之類盡塗原野是用疚心疾首攘袂救焚以戰場為俎豆以戎戈為章服夕不遑寧息濟四方饑不及食推移一紀幸賴上玄幽贊下土宅心忝承嗣曆厲精求政蠲百王之積弊振千紀之頽綱旰食宵衣百齡行半洎乎至道方泰荼毒遽侵自九年以來極罹哀卹又屬高麗逆亂毒被韓夷微物不安无忘隱惻遂復躬行吊伐遠涉遐荒時歷暄寒体親風雨雖復澄氛海外有慰深哀久倦征途乃多虛弊方今兆庶殷阜六合廓清垂拱无為允在茲日而皇太子某令德遠彰所有機務並可斷決百辟卿士咸宜受其節度朕當親調五藥暫屏万機三兩月間且自怡攝正現二十一年三月

大帝命皇太子領諸司啓事詔



東臺貳極之基道光於上嗣貞固之本事表於元良故能創北  
搖之風敬東序之業均少海而逾潤浮前曜而增華皇太子弘  
寢門標美壽街騰懿三善夙茂瑜珮以之含鏘四聖早優班翰以  
之凝映正以年在冲牝未從監撫雖調護方勤助琢磨之器而櫛椽  
靡喻爽德教之途然為政之方義資素習宜令皇太子弘每五日  
於光順門內坐諸司有奏事小者並啓皇太子王者施行

則天太后命皇太子監國制

鳶臺多難興王殷憂啓聖蕭牆之禍自古有之朕以虛寡宿承  
先願社稷宗廟寄在朕躬親理萬機年踰二紀幸得九玄垂祐  
四海乂安何嘗不日異忘食夜分輟寢戰戰而臨宝位虔虔而握  
聖圖憂百姓之不寧懼一物之失所但以久親庶政勤倦成勞頃以來  
微加風疾逆豎張易之昌宗兄弟比緣薄鮮調鍊久在園苑驅馳  
錫以殊恩加以顯秩不謂豺狼之性潛起梟鏡之心積日包藏一朝  
發露皇太子顯元良守器純孝奉親知此豐萌奔衛宸極與北  
軍諸將戮力齊心勦撲兇渠咸就梟斬乃天地之大德而于幽明之所

贊叶者乎豈惟朕躬之幸抑亦兆庶之福朕方資藥餌冀保痊  
和機務既繁有妨攝理監臨之寄屬在元良宜令皇太子顯監  
國百官摠己以聽朕當養閑高枕庶獲延齡可大赦天下  
元年正月

睿宗命皇太子監國制

張說

維天生<sup>蒸</sup>人牧以元后維皇立國貳以儲君將以保綏家邦安固  
後嗣者也朕纂承鴻業欽奉宝圖夜分不寐日<sup>昃</sup>忘倦茫茫四  
海惧一心之未周蒸蒸万方恐一物之失所雖卿士竭誠守宰  
宣化緬懷庶域仍未小康皇太子隆基仁智因心温恭成德深  
達理体能辨皇猷宜令監國俾尔為政其六品以下授官及徒  
罪以下並取處分  
景雲二年二月

允皇太子奏讓政事詔

朕恭臨宸極嗣守丕圖承九服之康寧當二儀之交泰宵然汾  
水願遂放勛之遊皇太子諱孝德茂於周儲恭慎超於漢兩翼  
宣景化光輔朕躬頃以宇宙事殷宗社事重委以機務叶贊謀

猷志切承師情殷問道夏絃春誦心存德威刑慶賞罔不當仁  
循省奏章嘉而不奪

景雲二年四月

明皇命皇太子監國親提師徒東討詔

詔曰通三立極正維之業大明兩作禹經聖之切博是以貞我  
万国必在元良弼予一人歸之上嗣將寄丈人之律寔資長子  
之師亦既戒嚴當 群慝皇太子亨仁明植性孝友因心稟上  
德之粹靈宅中和之正氣恭敬之虔豈伊橋梓剛柔之適无取  
韋絃韞公忠而事君提文武而行已既不絕馳之美可稱問膳之勤  
心以三善之明助百揆之務迺安遠肅天平地成屬凶險負恩稱兵向  
闕人神同憤命尔撫軍將徼福於宗祧以保安於社稷憑天之德何嚮不  
濟順人之心所戰必剋庶清彼氛沴以寧我國家宜令太子監國仍  
即親提師徒以誅叛逆取今月二十三日先發所司准式務從省便无使  
勞煩布告迺遐咸令知悉

天寶十四年十二月

肅宗命皇太子監國制

門下天下之本屬于元良四方之明資其繼照是有傳歸之義必膺  
監撫之重克廣前烈與人守邦非君父之獨親俾生靈之同戴朕  
號慕弓劍寢居纒經頃以疾苦未能康寧殘寇猶虞中原多壘軍  
國大務理須參決乃眷七鬯共承宗祧皇太子豫天縱聰明日躋德  
業中興締構已有大功問安內寢九國之夢制勝戎闡高五官之  
才 方艱難礼在諒闇其以庶政委之元子宜令權監國又以上天  
降寶獻自楚州神明告歷數之符金璧定杖灾之氣提集瑞命  
祇承鴻休因以躡元叶于五紀其元年宜改為寶應元年建巳  
月改為四月其餘月並依常數仍舊以正月一日為歲首受茲福  
應行以升平因日月之重光布雲雨之渥澤其天下見禁囚徒罪  
無輕重并已發覺未發覺已結正未結正四月十五日昧爽以前一  
切放免左降官宜即量移近處流人即一切放迴有司更不得輕  
有類例條件其楚州刺史并出寶縣官及進寶官等量與進改  
隨進寶官等典儉各量與一官宣示中外咸知朕意主者施行

司徒兼中書令

戶部侍郎同中書門下平章事兼知中書事臣元載

宣德郎檢校中書舍人臣楊綰奉行

特進行侍中上柱國韓國公臣晉卿

銀青光祿大夫行黃門侍郎同中書門下平章事臣遵慶朝  
請大夫守給事中臣液等言臣聞明兩作島所以照天下游雷為  
震所以貞萬邦故書美元良易昭七鬯伏惟皇帝陛下玄德廣被仁  
風大洽匡復宗社弘濟艱難孝道純深聖懷罔極居憂致毀恭  
默何言伏惟皇太子承累聖之資稟自天之訓問安有礼無闕  
三朝保大成功已申七德是命守邦之重允彰知子之明况神其  
告符天不秘寶克昌景命必靜祚氛豈謝金縢啓翌日之期立  
符告彛倫之叙是故統元立極復舊惟新因瑞以表年順人而  
定嗣宥過無大圜圉皆空俾人遷善遐荒必被休徵昭其靈既  
官吏沐其鴻私臣等叨侍軒墀恭承典禮感戴之極倍萬恒情  
無任懇款之至請奉制付外施行謹言

順宗命皇太子勾當軍國勅

勅朕承九聖之烈荷萬邦之重願以寡德步道未明是以虔

恭寅畏懼不克荷常恐常墜祖宗之訓下貽卿士之憂夙夜祇勤  
如臨于谷而積瘕未復至于經時怡神保和常所不暇永惟四方  
之大萬務之殷不躬不親慮有曠廢加以山陵有日霖潦踰旬  
是用警于朕心思答天戒其軍國政事宜權令皇太子純勾當  
百辟羣后中外庶寮悉心輔翼同底于理宣布朕意咸使聞知  
正元二十  
一年七月

穆宗命皇太子檢校軍國勅

勅朕獲嗣祖宗祇荷重器常恐失墜若蹈泉谷而萬務所繫憂  
勤是切宿疢在躰不皇自安陽氣敵蒸沉恙復作不能日臨庶政  
親領萬機皇太子湛睿哲溫文孝敬明敏其軍國政事宜權令檢  
校百辟卿士中外臣寮宜竭乃心輔我元子同底于道以寧邦家  
宣布朕意庶使知悉

長慶四年正月

文宗立穎王為皇太弟勾當軍國勅

勅朕願以眇身獲承丕構嚴恭寅畏十有五年列聖鴻猷朕豈  
能荷涉冰匪懼取朽非難雖寓內小康而大道猶鬱方自砥礪期

臻洽平天不祐予夙嬰疾疢政慮多闕心靡遑安近者凝沔所侵久而瀆劇臣僚愛我內外一心禱祀畢為藥石備至亟換旬朔有加無廖懼不能躬搃萬機日釐庶政稽于古訓謀及大臣用建親賢以貳神器親弟穎王諱朕昔在藩邸常同師訓動成儀矩性稟寬仁俾奉昌圖必諧人欲可立為皇太弟應軍國政事便令權勾當百辟卿士中外庶臣宜竭乃心輔成予志陳王成美先立為皇太子以其年尚冲幼未漸師資比每念重難不行冊命迴踐未卽式叶至公可依前復封為陳王嗚呼萬務不可以久曠萬方不可以乏統惟義所在朕不敢私宣布中外咸令知悉

開元五年正月二日

武宗立光王為皇太叔勾當軍國勅

勅朕以微眇獲守宗祧祇荷鴻休懼不克濟乾乾夕惕若涉春冰旰晷忘疲宵分假寐而陽和布候固陰交爭寒暑所侵乖於攝理忽嬰疾疢修已經時漸覺衰羸藥餌未効臣寮愛我中外叶心禱祀畢為針石備至皇子冲幼未經師資軍國事重須選賢德稽于訓典謀及大臣用建明哲以貳神器親叔光王怡宜改忱植

性忠孝翼翼小心禮樂生知聰明天縱溫文敏裕博厚寬仁言必依經雅符於詩禮動不違矩式合於典謨俾奉丕圖必懼人欲可立為皇太叔應軍國政事便令權勾當百辟卿士中外庶官宜竭乃心輔成予志嗚呼萬機不可以久曠兆人不可以乏統惟義是守朕不敢私宣布中外咸令知悉

會昌六年三月二十一日

宣宗立鄆王為皇太子勾當軍國勅

勅朕以寡昧獲承丕構潔誠以奉九廟恭己以臨兆人宵旰在懷罔敢暇逸而憂勞所迫蒸暑或加疾恙未瘳既踰旬朔萬機繁重不能躬親詢于大臣稽以古訓永惟負荷之重思建儲貳之賢用舉徽章式固大本長子鄆王溫宜改名漼濬哲天縱孝敬日躋秉德不回出言可法英姿齊聖粹厚而恭道叶繼明義符立長可以貳于神器增輝前星宜立為皇太子權勾當軍國政事咨尔三事百辟內外臣僚宜協乃心敬輔元子罔違于道俾致時雍布告遐迩咸令知悉

大中十三年八月九日

懿宗立晉王為皇太子勾當軍國詔

勅曰朕守大器之重居兆人之上曰慎一日如履如臨旰晷勞懷寢興思理涉道猶淺至化而弘而攝養乖方寒暑嬰厲實有慮於闕政且無暇於怡神竟未少瘳日以寤劇萬務繁綜須有主張考之舊章謀于列辟思闡鴻業式建皇儲第五男晉王嚴改名懷孝敬溫恭寬和博厚日新令德天假英姿言皆中規必由禮俾宗邦本允洽人心宜立為皇太子權勾當軍國政事咨尔中外卿士洎于腹心之臣敬保徹子輔成予志各竭乃心以安黎庶布告中外知朕意焉

咸通十四年七月十七日

### 僖宗立壽王為皇太弟知軍國詔

門下朕幼荷丕構夙夜不遑蓋以三百年之鴻基十七聖之大業守文重事偃武貞期唯惧冲人不克負荷果致干戈四處寇盜連年再省藩維兩違陵廟上媿高祖太宗之締構下慙中外群后之匡扶既積殷憂俄成疾疢而上天降祐中道獲痊萬乘還宮六龍稅駕御端門而賜赦閱諸夏而駿奔雖有愧中興而克全舊物繫尔中外方俊報功寧期瘵疾未瘥尚嬰沉痾徒思勿藥詎報有徵朕

理是加連綿莫瘳永惟八方之大萬務之殷既不躬親固當擁滯朕親弟壽王傑天資穎悟生稟溫文孝友通於神明仁愛格乎上下必能躰憂惕濟我艱難用叶和平得就頤養宜冊為太弟知軍國政事咨尔内外大臣群芳庶尹悉宜聽監國處分盡心輔戴寧國安人酌變從宜同底于理布告天下咸使聞知

光啟四年三月六日

### 昭宗命皇太子監國制

門下朕以眇身祗膺大寶十有三載懼不克勝上荷祖宗之靈記于兆人之上虛受謙益每勵於恭勤示儉守文靡忘其宵旰而乃兩經播越荐興兵革生類莫躋於仁壽理道未致於洽平尚賴左右大臣奠獎侯伯共戡多難歸復神州豈我眇冲拯此艱運恭念高祖睿宗玄宗順宗或經多難或若沉疴遂厭萬機授于令嗣是使進退無爽孝慈兩全人心盡服其至公天性克彰於具美近者忽嬰疾疢旦夕未瘳雖思養襟靈而亦循典故皇太子裕溫恭有立和粹積中蘊孝悌以知稟聰知而夙賦勤惟樂義進則思賢必能廣繼絕之心傳副歸之命萬機至重不可暫闕宜令皇太子裕監

軍國事咨尔中外巨弼將相卿士輔朕元子永孚于休凡閑庶務悉宜聽監國處分布告遐迩當躡朕意主者施行光化三年十一月六日

### 何皇后立輝王為皇太子監國軍令

門下我國家化隋為唐奄有天下三百年之盛業十八帝之耿光聖上自纂丕圖垂將二紀雖恭勤無怠屬運數多艱致寰宇之未康觀兵戈之屢起賴勲賢叶力宗社再安豈意宮闈之中禍亂忽作已久及庸草萬機不可久以曠四海不可以乏君神鼎所歸須有纂紹輝王祚幼彰岐嶷長實端貞褒然不群予所鍾愛必能克奉丕訓以安兆人宜立為皇太子仍改名祝監國事於戲孝愛可以承九廟恭儉可以安萬邦無樂逸遊用寧寰宇百辟卿士佑茲冲人再揚我大宗之休烈主者施行天祐元年八月

### 傳位

### 神堯傳位皇太子詔

乾道統天文明於是曆大寶曰位宸極所以居尊者在勛華不

昌厥緒揖讓之禮旁求歷試三代以降天下為家繼體承基胤嗣相襲故能孝饗宗廟卜世長遠貽慶後昆克隆鼎祚朕膺期受理握圖闡極大拯橫流載寧區夏然而昧旦丕顯日昃坐朝馭朽兢懷履冰在念憂勞庶政九載於茲今精華已竭耄期倦勤久懷物表高蹈風雲釋累遺塵有同脫屣深求閑逸用保休和皇太子世民早禎夙彰奇表天縱神武智蘊深機自雲雷締構霸業伊始義旗之舉首創成視京邑克平莫非其力及皇極已建天步猶艱內發謀猷外清氛祲英圖冠世妙算窮神伐暴夷凶無思不服薛舉負西戎之衆武周引北狄之兵蝟起蜂飛假名竊號元戎所指折首傾巢王世充籍府庫之資憑山河之固信臣精卒承間守險建德因之同惡相濟金鼓纔振一縱兩擒師不逾時戎衣大定夷劉闡於趙魏覆徐卽於譙充功格穹蒼德寧宇宙雄才宏略振古莫儔造成大唐繫其是賴既而居中作相任隆羣后百揆時摠三階以平地居元良實惟國本万邦咸正庶兆樂推晷緯呈象休禎允集華夏載佇謳訟知歸今傳皇帝於某所司備禮以時冊授公卿百官

四方岳牧爰及長吏下至士民宜悉祇奉以稱朕意夫政惟通變禮  
貴從宜利在因民義存適要條章法度不便於時者隨事改易  
易勿有疑滯昔漢祖撥亂身定大功羣臣推奉光宅帝位而事  
父資敬五日一朝備禮尊崇號稱太上朕方游心恬淡安神玄默  
無為拱揖憲章往今稱謂之儀一準漢代庶宗社之固申錫無疆天  
祿之期永安勿替布告天下咸使知悉

武德九年八月

### 神堯命皇帝正位詔

書曰知人則哲惟帝難之易曰通變則久使民不倦故太伯端委周  
以隆東海就國漢祚方永立權致治可不然乎朕世濟淄衣家傳鼎  
鬲佐魏匡周勤勞王室有隋御曆地居戚里常以補天在慮納揆  
為心大業道喪皇極如燬傾維折柱天下分崩塗炭納隍黔黎  
殆盡顧茲九有鋒鏑縱橫靜念一匡計無所出世民幼懷大度性  
合天道蘊經緯之奇才苞湯武之弘畧深謀秘策沃朕拯溺之望志雄  
圖起予救焚之志因其感激許經綸糾合義師投袂而起車及於  
平陽之郊劍及于孟津之會元戎所指冰銷霧捲曾未浹旬廓清

## 五

京邑定非常之業建不世之功三百以來未之間也朱旗西指則  
仁果喪元白羽東臨則世充泥首推武周如拉朽收建德若拾遺  
至於黑闥逋誅圓朗小醜三捷七擒不可勝計一人之力冠今超古暴  
之遐迩豈待昌言以建成嫡長冀其養德日就不謂匿怨友于忌能  
毀善讒言屢發殆至鏹金顧天啓朕心宗社降福密悟凶邪指麾  
殲殄朕愧受浸潤深念元功乃敬授帝圖先天傳政懼其溢滿驕  
上未稱三靈之心縱欲肆情不恤万方之重朕故仍居紫極處之  
肅清或成察其復禮觀其齊政露往霜來四載于茲矣比聞思我王  
度克艰昧旦丕顯去奢去泰朝夕視膳蒸之性日嚴吳景憂民翼  
翼之情南越驟水北狄欵關四海晏然五兵偃戢招君章之黨止  
用尺書屠師都之城無虧寸刃公卿輯睦遠近又安金鼓絕於壇場玉  
鏡懸於億兆盡善盡美吾無間然匪天祐之孰能至此今令月吉辰  
風調雨順朕俯觀人事仰鑒穹昊自當養性別宮使其正居宸極  
宜令有司具禮務在周備得脫屣高蹈擬跡於軒轅授曆傳璽  
爰屬於啓大寶既固卜年惟永付託有所何樂如之百辟卿士

等或晉陽從我同披荆棘或秦郟故吏早預心並以德舉言揚進忠顯効保入社稷天平地成惟當帶礪山河與國休戚可以悉心匡弼無黨無偏罔或隳我替爾丕績善事元首稱朕意焉

武德九年八月

睿宗命皇太子即位制

賈曾

朕以寡昧虔奉鴻休本殊王季之賢早達延州之德昔在聖曆已讓皇嗣之奠爰暨神龍終辟太弟之授豈惟衣冠所睹抑亦兆庶咸知頃屬國步不夷時艱主幼大業有綴旒之惧室位深隆地之憂議迫公卿遂司契象日慎一日已至于今一紀之勞勤亦至矣萬方之俗化漸行矣將成宿願朕展寰區昔堯之禪舜惟能是與禹以命啓匪私其親神器之重允歸公授皇太子某有大功於天地定阡危於社稷溫文既習聖敬克躋委之監撫已逾年歲時政益明庶工惟序朕之知子庶不負時曆數在躬宜陟元后可令即皇帝位有司擇日授冊朕方比迹洪古希風太皇神輿化遊思與道合無為無事豈不美歟王公百僚宜識朕意

延和元年七月

睿宗命明皇提軍國刑政詔

大寶之尊諒非於為己神器之重必在於與能自昔興王率由茲道我國家運光五聖業盛百齡大賢洽於人心淳風偃於區外而道不恒泰時更小屯朕以菲薄屬茲多難仰讓王之宿志順公議於群情丕業既康天保斯定皇帝神武攸縱睿哲克躋安宗社於綴旒拯生人於在溺用遵內禪令提朕師夙夜在勤刑政益理昨者姦臣構釁竊犯禁闈凶黨布於蕭牆飛變聞於帷扆朕慮深倉卒爰命討除皇帝遂與岐王範薛王業等勵茲孝心率彼義勇戮鯨鯢於闕下掃挽搶於天路元惡大憝罔不伏誅人神用康功業弥廣信可提璿衡之大政守家國之鴻緒能事備矣朕又何憂自今已後軍國政刑一事已上並取皇帝處分其岐王範薛王業宜各寔封一千戶朕方高居大庭緬懷汾水無為養志以遂素心凡百卿士洎于黎庶宜勉朕懷各盡臣節布告遐迩咸使聞知

光天二年七月

明皇令肅宗即位詔

賈至

勅帝王受命必膺圖錄上叶天道下順人心不可以智求不可以力



取是故我國家之有區夏也乾符疊委人瑞存臻土應其德山呼其祚高祖當寶運太宗定鴻業高宗寧蒸人中宗復舊績睿宗弘至理朕恭五聖之謨訓師三代之淳樸常以道德為念不以當貴為心爰弱齡即尚玄默屬神龍之際邦家中否是用憤發掃除揆槍翼戴先皇再正宸極蓋宗廟是為豈私朕躬哉先帝以朕有戡難之功命朕當主鬯之任辭不獲已遂踐皇極聿來臨御垂五十載嘗師我烈祖玄元之道保其清靜之宗伊萬方事殷曷昊不暇食昔堯厭勤倦尚以禪高居汾陽况我元子其睿哲聰明恪慎克孝才備文武量吞海岳付之神器不日亘然今宗社未安國家多難某英勇雄毅搃戎專征伐朕憂勤斯為克荷宜即皇帝位仍令所司擇日宰相持節往宣朕命其諸禮儀皆准故事有如神祇簡冊申令須及者朕稍誥焉衣冠表疏禮數須及者朕稱太上皇焉且天下兵權制在中夏朕處巴蜀應卒則難其四海軍帥先奏取皇帝進止仍奏朕知皇帝處分訖仍量事奏報殺難未定朕寔同憂誥制所行須相知悉皇帝未至長安已來其有與此便近去皇帝路遠

奏報難通之處朕且以誥旨隨事處置仍令所司奏報皇帝待克復上京已後朕將凝神靜慮偃息大庭蹤姑射之人紹鼎湖之事於戲禪讓之禮聖賢高躅前代明主非不慕之皆享祚短促而不暇也惟唐虞靈長能擅厥美俱革命易姓宗廟失尊非一其心萬古不易之道也朕之傳位有異虞典不改舊物其命惟新奉裡祀於祖宗繼雍熙於宇宙布告億兆咸使聞知

至德元年八月十六日

### 肅宗命皇太子即位詔

於戲奉天地者是稱大寶承宗廟者必在元良吾以薄德纂丕緒今以憂勞所積遘疾弥留用申顧命誠尔元子尔性稟生知幼有明德蒸蒸之孝言必因心溫恭睿哲允文允武往在西土爰討兇渠命尔搃戎克宣王略牧復中夏惟尔之功遂昇以儲闈將中我鴻業尔有令問萬方宅心吾大漸之後即宜膺宝位夫天下至廣神器所重丕承累聖之德處奉大中之道必當任賢勿貳去邪勿疑以慈惠為心開諫諍之路兢兢業業無怠無荒嗚呼戒之無替厥命

### 順宗命皇太子即位詔

鄭綱

勅惟皇天祐命烈祖誕受萬國九聖儲祉萬邦咸休肆予一人獲  
纘丕業嚴恭守位不遑暇逸而天祐不降疾恙不瘳將何以奉宗  
廟之靈展郊禋之禮疇咨庶尹封越上天內愧于朕心上畏于天命  
夙夜祇慄深惟永圖一日萬機不可以久曠天工人代不可以久違皇  
太子純睿哲溫文寬和慈惠孝友之德仁愛之誠通于神明格于上  
下是用舉皇王至公之道遵父子傳歸之制付之重器以撫兆人必能  
宣祖宗之重光荷天地之休命奉若成憲永綏四方宜令皇太子即皇帝  
位朕稱太上皇居興慶宮制勅稱誥所司擇日冊礼布告中外令  
知朕意

正元二十一年八月

順宗傳位皇太子改元誥

鄭綱

門下有天下者傳歸於子前王之制也欽若大興斯為至公式揚耿  
光用体文德朕獲奉宗廟臨御万方降疾不瘳庶政多闕乃命元  
子代子守邦爰以令辰光膺冊礼宜令今月九日冊皇帝於宣政殿  
仍令檢校司徒平章事杜佑冊使門下侍郎平章事杜黃裳充副使  
因有大命思俾惟新宜因紀元之慶用覃在宥之澤宜改貞元二十年  
為永貞元年自永貞元年八月五日昧爽已前天下應犯死罪特  
降從流流罪已下各減一等布告中外咸使聞知

何皇后命皇太子即位令

予遭家不造急變爰臻禍生女職之徒事起宮宴之輦皇帝自  
罹鋒刃以至弥留不及願遺号慟徒切定大計哉安社稷纂丕  
圖考擇賢明議屬未亡人須尔建長策承高祖之寶運繫元勳  
之忠規仗尔股肱以匡冲昧皇太子祝宜於柩前即皇帝位其  
哀制竝依祖宗故事中書門下准前處分於戲送往事居古人  
之令範行令報舊前哲之格言收淚宣布言不能喻

天祐元年八月

唐大詔令集卷第三十一

皇太子

納妃

納蘇亶女為太子妃詔

開元十九年皇太子納妃制

開元二十一年皇太子納妃勅

令兩京選皇太子妃勅

冊妃嬪

冊皇太子蘇妃文

冊皇太子韋妃文

冊章懷太子張良娣文

退讓

降太子忠為梁王詔

廢退

廢皇太子承乾為庶人詔

廢皇太子瑛為庶人制

追復

息隱王追復皇太子詔

贈廢太子承乾恒山愍王制

贈重俊皇太子制

納妃

納蘇亶女為皇太子妃詔

配德元良必俟邦援作儷儲貳允歸冠族祕書丞蘇亶長女門  
襲軒冕家傳義方柔順表質幽閑成性訓彰圖史譽流邦國正位  
儲闈寔惟朝典可皇太子妃所司備禮冊命主者施行正觀年

皇太子納妃制

龍樓內範輔成元良之德鳳卽中闈克諧樂善之美自非門第兼  
茂容則聿修何以式副好逑允茲華選薛縮第六女竇希城第四女  
威里承休渭陽傳慶婉順成性柔閑有容言必圖史之規動遵珩珮  
之節惠問蘭都心清玉映足以儷清宮之罷伉朱卽之義式昭閭

訓用光嬪則縮女可皇太子妃瑛女可慶王妃仍令所司備禮至  
都冊命開元十九年十月

皇太子納妃勅

張九齡

勅禮有謹於初義亦重其本凡是姻媾且猶正於人倫況在元良更  
將承於宗祀皇太子鴻儲副是屬仁孝自然爰從吉辰式備嘉禮上  
事下繼君子重之言告言歸朕豈無慰非獨在子之慶宜申與衆之澤天  
下囚徒死罪特宜免死配流嶺南遠處流罪降至徒徒以下罪並宜釋放  
其造偽頭勾合知情受偽人等罪雖徒流仍便隸為百姓至彼勿許東  
西諸道征行人家及鰥寡惻獨委州縣官長檢校於放差科使安其  
業中間有不支濟者量事賑給仍量助其營種長安萬年兩縣百  
姓及今月當上曠騎衛士雜匠掌閑幕士駕士工人樂人供膳官馬主  
角手並免其家今年地稅三衛細引飛騎監上門長及禮生有職  
掌者各減一年勞京文武官九品已上見在外官因公使及當上在京  
新除五品已上外官未辭并致任官朝朔望者各賜勳一轉東宮  
官九品已上及諸及司緣禮會祇供官等更加勳一轉五禮使兵

部尚書兼中書令蕭嵩特封徐國公禮會使黃門侍郎同中書門下平章事韓休特與三品妃禮會使少府監馮紹正賜紫金魚袋諸副使及判官更加勳一轉禮官備者夾侍官及孔目官使典主旌節等擇日優與處分仗內馬家內侍省級使教坊音聲人緣太子禮會祇供者各賜勳一轉皇太子舅尚輦奉御趙迥遵特與三品仍改與三品官前右威衛騎曹趙迥遵特與五品仍改與五品官皇太子侍讀侍書等各加一階其太子諭德潘肅特與五品太子妃兄通事舍人薛愿特與五品仍改與五品官兄吏部常選德與五品仍與五品官今日應預會官等各節級賜物即宜領取晏慰者所以宣其情頒錫者所以將其意公卿百辟庶知朕心

開元二十一年五月二十一日

令兩京選皇太子妃勅

家嗣其良家國之慶人倫之始宜娶元妃雖吉事尚須待年而嘉耦宜深善教志於先定冀及義方屬在德門遂成好合在東京委裴度西京委宰臣各申旨諭令本宗家長舉言十歲已來嫡女及妹姪孫女兩月內送中書門下務令宜稱無有不盡

開元八年

冊妃嬪

冊皇太子蘇妃文

維貞觀年月日云云於戲惟尔秘書丞蘇亶長女族茂冠冕慶成礼訓貞順自然言容有則作合春宮異協三善日嬪守器式隆万葉備茲令典抑惟國章是用命尔為皇太子妃往欽哉

冊皇太子韋妃文

維開元二十六年歲次戊寅七月戊辰朔十二日乙卯皇帝若曰於戲天下之本實在於元良人倫之端是先於內則咨尔忠王妃韋氏門承鼎盛質稟賢和勳中環珮之節言成圖史之訓克明女憲無假於師氏能勤婦道自合於國風固可以齊躋儲位正位妃壺佇門六行之美以引三善之德是用冊尔為皇太子妃往欽哉尔其祇服寵章光膺茂典協和以逮下恭儉以率先式昭徽猷永保祚胤可不慎欽

冊章懷太子張良娣文

沈佺期

維景雲二年歲次辛亥十月壬寅朔十日辛亥皇帝若曰於戲咨尔故章懷太子良娣張氏家承峻闕代襲徽猷法度有章言容克備

始應良選入奉元儲柔規緝於上下淑問揚於中國恩絕賓帝  
七日無歸義申從子百齡先謝言念寔空憫悼良深追崇徽號  
典故斯在是用命尔某官某乙册尔為章懷太子良娣魂而有  
靈膺茲寵數

退讓

降太子忠為梁王詔

詔曰昔泰伯高讓載昌姬宗東海之藩克隆漢祚故能業傳端  
委昨錫龜蒙飛茂實於前英播清塵於遠葉皇太子忠分景扶  
木稟慶天津早加寵樹礼絕羣后比因朝見屢陳撝挹論嫡庶之分績  
貴賤之礼以貴則皇后有子以賢則不敢當仁前後數四辞情懇惻義  
高曠古道邁前修宜遂雅懷以成厥美可封梁王食邑二萬戶使持節  
都督梁洋集壁四州諸軍事梁州刺史仍別食二千戶賜物二萬段  
甲第一區梁州仍置都督府

顯慶元年正月

廢黜

廢皇太子乾承為庶人詔

詔曰肇有皇王司牧黎庶咸立上嗣以守宗祧固本忘其私愛繼  
世存乎公道故季歷而樹姬發隆周享七百之期黜臨江而罪戾園炎漢  
定兩京之業是知儲副之寄社稷繫以安危廢立之規昂命申其輕  
重詳觀歷代安可非其人哉皇太子承乾地惟長嫡位居明兩訓以  
詩書教以礼樂庶弘日新之德以永無疆之祚而邪僻是蹈仁義蔑  
聞疎遠正人親昵羣小善無微而不背惡無大而不及酒色極於沉  
荒木土備於奢侈倡優之伎晝夜不息狗馬之娛盤遊無度金帛  
散於姦穢楚遍於僕妾前後愆過日月滋甚朕永鑒前載無忘  
正嫡怒其瑕豐倍加訓誘選名德以為師保擇端士以任官僚猶冀  
中人之性可以上下蟠木之質可以為容愚心不悛凶德弥著自以久  
嬰沉痾忘憂廢黜納邪說而違朕命懷異端而疑諸弟恩寵雖厚  
猜懼愈深引姦回以為腹心聚儻隸而同遊宴鄭聲淫樂好之不  
離左右兵凶戰危習之以為戲樂既懷殘忍遂行殺害然其所愛  
小人往者已從顯戮謂能因茲改悔番乃更有悲傷行哭承華制  
服博望立遺刑於高殿月有祭祀營窀窆於禁苑將加改厝贈官

以表愚情。勤碑以紀凶迹。既傷敗於典禮。亦驚駭於視聽。桀跖不足此其惡行。竹帛不能載其罪名。豈可守器纂統。承七廟之重。入監出撫。當四海之寄。承乾宜廢為庶人。朕受命上帝。為人父母。凡在蒼生。皆存撫育。況乎冢嗣。寧不鍾心。一旦至此。深增慙歎。正觀十七年四月

### 廢皇太子瑛為庶人制

朕恭承天命。嗣業先業。不敢失墜。將裕後昆。所以擇元良。策奇器。為國之本。豈不謂然。太子瑛幼而鍾愛。爰加訓誘。親範之師。所望新年。既長成興之婚冠。而妃之昆弟。潛措異端。頃在東都。頗聞疑議。所以妃兄薛愿。流謫海隅。導之誨之。謂其遷善。駙馬都尉薛鏞。亦妃之兄也。今又扇惑謀陷。弟兄朕之形言。愧於天下。教之改其如之。何蓋不獲已。歸諸大義。瑛可廢為庶人。鄂王瑊。光王琒。等自幼及長。爰加撫育。為擇師資。欲其恭順而不率。訓典潛起異端。及與太子瑛。稱彼凶人。同惡相濟。亦既彰露。咸引其咎。孽由己作。義在滅私。並降為庶人。駙馬都尉薛鏞。離間骨肉。惑亂君親。潛通宮禁。引進朋黨。陷元良於不友。誤二子於不義。險薄之行。遂成門風。皆惡迹自彰。凶慝昭露。據其所犯。合

寘嚴誅。言念瑣姻。用申寬典。捨其兩觀之罰。俾就三危之竄。可長

讓州百姓。開元二年四月

### 追復

### 息隱王追復皇太子詔

詔曰。昔戾園敗德。西都表其號。謚楚英。干紀東漢。錫其湯沐。斯皆屈邦國之禁。申骨肉之恩。故也。息隱王地。乃居長守。器運初自貽。伊戚陷於禍。難日月逾邁。松楸成行。朕嗣守鴻基。緬尋遺烈。何嘗不陟彼崗。而靡覲。瞻同躰。而疚懷。恩備哀榮。式加禮命。可追復皇太子謚。仍依前陵曰隱。置陵。令以下官。并加戶守衛。正觀十六年六月

### 贈廢太子承乾桓山愍王制

孫述

門下理天下者。必弘於在宥。厚仁德者。莫尚於追遠。故廢太子承乾。昔在先朝。嘗陷深過。因是殛竄。至於淪沒。雖臣子之罪。義則不私。而骨肉之親。情則無絕。况年代浸遠。典廢宜寬。言念往時。已申公葬。將崇後命。是錫王章。式遵仍舊之封。更表易名之謚。可贈恒山愍王。

贈重俊皇太子制

蘇頌

門下朕聞曾氏之孝也慈親惑於疑聽趙虜之族也明王哀而望  
思歷考前聞率由舊典重俊大行之子元良守器往罹構間困於讒  
嫉莫顧鈇鉞輕盜甲兵有此誅夷無不悲惋今四凶咸服十處何追  
方申赤暈之寃以紓黃泉之庸可贈皇太子唐隆元年六月十五日

唐大詔令集卷第三十二

皇太子

追贈

邵王贈皇太子制

申王贈惠莊太子制

岐王贈惠文太子制

慶王贈靖德太子制

興王贈恭懿太子制

齊王贈懷懿太子制

晉王贈悼懷太子制

冊贈

節愍太子謚冊文

惠莊太子冊文

惠文太子冊文

恭懿太子冊文



哀冊文

懿德太子哀冊文

節愍太子哀冊文

惠莊太子哀冊文

惠文太子哀冊文

惠宣太子哀冊文

恭懿太子哀冊文

昭靖太子哀冊文

莊恪太子哀冊文

罷祭

停官祭贈太子勅

追贈

邵王贈皇太子制

門下悼往興哀事極於理人飾終追遠禮著於國經故邵王重潤  
漸履雲霄分輝日月體謙恭之質蘊忠順之誠愛敬盡於宮闈仁

孝聞於區寓地居長嫡允膺崇樹天不懸留奄隨運往朕丕膺  
寶命迺眷承祧瞰朱卽而無從僚青方而結歆宜加贈典正位元儲  
可贈皇太子所司備禮改葬主者施行神龍元年二月九日

申王贈惠莊太子制

德盛者必享休名道高者必膺殊典况人倫之重義切因心天屬之深  
情殷追遠故司徒申王撫馭哲聰明本乎天性溫恭孝友挺自生知  
樂善好書清猷過於兩猷深仁厚義美化侔於二南可謂具瞻百  
寮儀刑列辟朕將永康兆庶方自友于天不懸遺奄從薨逝永惟仁範  
哀慟纏用表非常之榮少寄天倫之戚可追贈惠莊太子宜令所司  
備禮就加冊命陪葬橋陵開元十一年十一月

岐王贈惠文太子制

褒崇名器所以尊德也光昭典禮所以飾終也况天倫之愛親親之至  
乎故太子傳上柱國岐王範特稟聰明率由孝友好書不倦樂善無  
忘固已作則列藩儀刑百辟方憑魯衛之政流雍穆之風豈圖輔德  
憊期殲良奄及想同氣而遂望駮駕而何追言念平生情深震慟宜

加殊礼之命用寄孔懷之哀可追贈惠文太子所司備礼就加册命開元四年四月

慶王贈靖德太子制

追終悼往諒著於國章考行易名匪私於天屬故司徒兼太原特持節充河東道諸軍節度大使支度營田等使上柱國慶王琮地居長德道茂中和爰在幼冲克光撫挹既著讓賢之美逾聞禮樂之風加之彫琢文藝周旋禮樂固力行以近仁亦因心而為孝自析珪祚藩翰崇授鉞分符權略斯遠年方在立未虞天喪疾瘵不救憫惜良深宜循加贈之典式寵元儲之位可贈靖德太子應緣喪葬一事已宜並官供仍令太子少師韋縮充使監護京兆尹裴士淹充副天寶十一年五月

興王贈恭懿太子制

門下厚礼所以飾終易名所以表行况情鍾天屬寵及褒封載疇加等之美式備元儲之贈永懷軫念有惻彛章第十二子故興王侶毓慶瑤源分華若木天資純孝神假聰明河間聚書幼聞樂善之旨延陵聽樂早得知音之妙頃以暫嬰沉瘵殆積旬時而資敬益彰穎悟逾爽爰親之戀言不間於斯須告訣之辟事先符於夢寐願

惟至性寔切深哀將祔土析珪載崇藩翰聞詩對易爰就琢磨方冀成立豈期天喪瑤英始茂遽摧落於當春際駟俄遷忽沉淪於厚夜興言痛悼憫惜良深宜寵貴於青宮俾哀榮於玄窆可贈太子謚曰恭懿應緣喪葬所司准式仍令兼京兆尹劉晏充監護使少尹陶銳為副主者施行上元元年八月

齊王贈懷懿太子制

夫褒善飾終王者常典况我友于之愛手足之親永言痛悼之懷用錫元良之命故齊王湊孕靈天宇擢秀本枝孝敬知於孩提惠和洽於親爰將固盤石遂分茅社學探蟻術之精智有象舟之妙好書樂善造次不失其清規置醴尊師風雨不忘其至敬方期鮎者以保怡怡天胡不仁殲我同氣念周宣好愛之分長慟莫追覽魏文榮樂之言軫懷無已繇是啓諸前典式展追崇特峻徽章表恩泉壤雖礼命之儀則尔而天倫之恨何攄遐想幽魂宜膺寵數可贈懷懿太子仍命有司擇日備礼追册開成三年正月

晉王贈懷太子制

王者重統紀尊儲副所以上嚴國本祇叶禮經睦人倫以正邦典崇  
丕基而昭彝式其或惠契元良恩當追命道雖間於存沒義有表於哀  
榮抑惟舊章用攄憫志故開府儀同三司晉王普先帝家胤間氣風  
鍾孝敬發於岐嶷溫仁形於襁褓剪珪分社光祝策於參墟錫土啓藩假  
威尊于上黨朕頃戡內難謬屬與能以王齒在嬰提事絕推讓方期  
就傅謂致修齡既因猶子之義俾膺主鬯之選天不憖遺殲我本  
枝泣悼永往空餘典禮嗟樂善而莫報願十起而何追銜悲長慟此  
誠無極是用稽諸前訓申我宿愛布曩懷於茲日告如在於幽靈  
式愴虛儀曷瘳深痛可贈悼懷太子仍令有司擇日備禮追冊

大和二年六月

冊贈

節愍太子謚冊文

維景雲元年歲次庚戌十月戊寅朔二十九日景申皇帝若曰咨爾  
故皇太子重俊業隆繼體膺才守器機辨日高視晉儲防年遐吞  
漢兩撫軍監國皇基攸固齒冑問安聖圖惟永頃以諛邪浸潤恩禮  
疎薄外迫伊戾之謀中啓驪姬之譖彼則兇計斯甚搖動元良尔乃誠  
心密運埽除悖德興晉陽之甲以罪荀寅擁漢闕之兵而誅趙虜  
嗚呼逆首雖殄豐黨未清屬投杼生疑亂兵旋及朕代天理物推亡固  
存近勅四凶緬懷三善言微備禮以慰冥魂銀榜山門畫堂泉室三  
年遂遠上賓之馭不留千載猶生全節之名長在存著徽烈歿有  
餘裕志業若此痛悼良深宜加寵号用旌不朽今冊謚尔曰節愍  
太子魂而有靈嘉茲茂典嗚呼哀哉

惠莊太子冊文

維開元十二年十一月甲申皇帝若曰於戲夫縉禮所以飾情崇名所  
以表德義存追遠愛洽因親故司徒申王撝琁極稟靈邦家維翰  
體孝友以成性用淳和而合道沛猷受易率以鳴謙河間聚書時其  
好學加以出為方伯弘宣六條入登司徒大敷五教天則不愆奄薨于  
行留却無期同輿遂遠興言哀痛震動于厥心夫先王演親親之恩  
春秋著加等之義上嗣之位飾終斯在今遣攝太尉侍中源乾曜  
持節冊贈王為惠莊太子宜率茂典以永徽猷魂而有靈式昭哀  
贈嗚呼哀哉

惠文太子冊文

維開元十四年四月二十日皇帝若曰於戲帝室之幹曷降年不永天倫之戚而因心有加飾以徽章孔懷之義也咨尔太子太傅上柱国岐王範孝友至性聰達多才樂善為詞言行俱敏好學流譽經傳悉通德既訓於東宮化且行於南國而輔仁或爽倚福無稽奄忽遷殂震悼何及夫禮以情為體欲增追遠之數行以名而尊是圖褒德之軌故擇茲茂典崇以上嗣言念逝者用申友于今遣工部尚書攝太尉盧從愿持節冊王為惠文太子魂而有靈昭是哀贈

恭懿太子冊文

維上元元年歲次庚子冬十月戊午朔四日辛酉皇帝若曰於戲夫睦親加等有國之彛訓悼往申恩心之所切是以增其緼禮漢藩追寫輅之榮備以徽章魏屏飾龍旗之贈興言故典感惻良深第十二子故興王昭慶襲紫庭憑華丹極温良資其性本孝友稟於天成加以神假聰哲身同藝美故六變樂眇音以洞微百家之書經目而成誦年雖在於髫髻亂學已該於典墳自位列三珪祚班五土

緣車爰錫亟承疏卹之榮青社云封寔屬維城之望豈謂藏舟易往過隙難留顧蘭坂而如昨痛梧宮之遂掩况幼有至性寔由生知心惟愛親歿不忘孝幽夢克申於告訣至懇能貫於存亡言念淪喪尤深憫惜是用叶茲純德贈以元儲夫恭者行之先懿者文之美易曰表稱俾永徽猷今遣銀青光祿大夫行中書侍郎同中書門下平章事集賢殿崇文館大學士修國史上柱国姑臧縣開國伯李揆持節冊命為恭懿太子申子至感貴尔寵光雖倚門之懷永銜酸於碣館而告柩之礼庶延渥於泉扁魂而有靈昭此哀贈嗚呼哀哉

哀冊文

懿德太子哀冊文

李嶠

維神龍二年歲次景午夏四月甲戌朔二十三日景申懿德太子梓宮啓自洛邑將陪窆于乾陵礼也厥衣夕陳祖奠朝設蜃輅俄軼龍旗按節皇帝嗟蟻庭之寢驚惜鳳渚之韜簧撫萬乘而懷国本綏六姻而悼乾將情無輟哀礼有加敷刻純懿乎金版播聲芳

於玉裕其詞曰

靈命將興元符是膺皇基茂立帝武丕承祥集書堂慶流朱印棘  
天延既桐圭備禮寔惟天族載挺人英川竇岳秀虹暉電精舞  
象得玄佩鷗聞道刻舟敏遽牽衣慧早幾神閣體理識宣資心  
韜鍾律情含蔡著曰仁曰孝非訓非師寬惠深博溫良肅祇苞舉  
六文網羅羣籍詩接楚彥賦延梁客准國傳騷雲臺對易樂善起  
華多才掩昔乃崇匡衛實屏寔藩乃列朝請為鴻為鶴揚聲北  
路振彩西園儀表姬戚光輝舜門恭事闡闡歡迎黨族怡色玉  
潤溫詞蘭馥中外克詩親疎允睦常德有裕間言無譴榮深出幸  
寵茂留中婉孌群辟網繆二宮陪輿澤厚錫馬恩隆西蜀欽義南山  
向風禮縛天孫望高元嗣重海闕象前星虛位方輟頌彛行膺  
主器奄喪門軸俄催隙駟嗚呼哀哉鳳下朝陽龍收暝光瓊田減彩  
桂苑淪芳國軫傾翰朝悲壞梁惟靈微之寂寂怨天道之茫茫  
嗚呼哀哉玄聖登期恩榮下賁爰命典冊式昭名謚七聖雖宗榮  
盛不蒞閭壤同戚具寮增歎嗚呼哀哉築思臺兮竟不旋還作

室兮復何年訪來人兮傷對日瞻去鶴兮感昇天惜明離之虛繇  
悵風樂之徒懸懟銀榜之留月泣銅樓之送烟嗚呼哀哉司北獻  
占掌圖辨域挽鐸初警惟悅既飭引文衛之逶迤度繁笳之悽惻纏  
永慕於青府結餘酸於紫極嗚呼哀哉辭交風之近甸出避雨之  
層岫望八水而遙集懷三川而頽歎麥枯兮夏旱花落兮春殘林  
野晦而天無色烟雲愁而景欲寒嗚呼哀哉稅駕昭塗即宮下土  
執斧供事揚麾按部藏日兮山門埋燈兮地戶痛平生兮冥淚哀條  
忽兮今古視不見兮聽不聞天無曉兮夜無分同變化兮光陰盡配  
陽秋兮蘭菊芬嗚呼哀哉

節愍太子哀冊文

李乂

維景雲元年十月朔日子節愍太子梓宮啟自鄆社粵某日將陪  
窆于定陵禮也蜃衛初引鳳仙將遠閱少海而不留赴窮泉而  
莫返皇帝懷副君之大義降猶子之深慈飾忠烈於逝者備哀榮  
以送之漢幄虛侍周墻肅事思臺空築幽堦永閱金相兮玉裕揆行  
兮旌能峻節兮無泯芳聲兮有恒其詞曰

素雲流祉白水禱祥祀及百代威加万方勅馬家國赫矣皇帝  
子攸降乾男以將邁真誕靈懷文抱質漢臺占兩秦京近日敏對不群  
能言罕匹藝該百變詞含六律朝霞自舉夜月嘗遊醴薦推穆  
書成重邠典戎仙衛作牧神州是謂元子光膺孟侯少陽正位太學  
知道春誦夏絃尊師敬老榮承玉卮寵殿瑜珮三善不忘四章旋建  
遇闕則下入廟斯趨曰仁與孝終始不渝聖敬日躋溫文歲廣望高  
周副才優魏兩用事有倫出言無黨政成中外聲溢天壤邪臣作蠱  
疋夫知惋不顧身遊將夷國難忠義期杖謀猷是斷獲戾宮朝歸魂霄漢  
駒過隙蒼蠅止藩水逝西沼霜彫比園鶴闕誰馭鳩里徒寬瞑目於  
此傷心詎論嗚呼哀哉去日淪輝前星墜彩形神溘謝德音如在物  
是人非年移運改聖明延鑒微章有待伊何慶逢開闢延鑒伊  
何恩降冊典即鳴鳳之崗嶺啓占烏之隊宅人辟中壘之桑鳥思  
平陵之柏地如伊水山連紀市嗟委化於仙期欲問安於神里五營成列  
萬國銜酸挽鐸朝唱旌麾曉寒指牽牛以南渡乘飲龍而北僚頌青  
舍兮非春掩玄扉兮天暮昔之來矣銀榜銅樓今之往矣曠野荒丘

冉冉兮辰促蒼蒼兮道悠惟聲華與純懿比金石而恒留嗚呼哀哉

惠莊太子哀冊文

張九齡

維開元十二年歲次甲子十一月丁巳朔二十四日庚辰司徒申王薨于行  
在所冊謚惠莊太子旋殯于寢粵閏二月二十七日壬午將陪葬于  
橋陵之柏城禮也黼幕宵布羽纛宿設西亭啓攢南省成列皇帝深  
天倫之感崇后儲之禮擬容衛於青宮申孔懷於朱卮爰命史氏於  
稽令則无俾直書不彰遺德其詞曰

昊天有命先后受之分王子第藩衛京師克荷成憲罔不肅祇懿  
我明哲誕惟神粹宣慈日聞孝友天至道則聰合跡无自異性寔生  
知學兼時習易微書遠詩言礼立惠必有鄰善如不及貴而能損量  
固難挹方伯出鎮郡南取斯司徒入掌鄭武其宜義之所在政乃克  
施物留遺爰事着成規西夏息人東征叶卜鞞鞞同輦皇皇改服疾邁  
中路凶傳左轂寧不憇遺奄鍾斯酷嗚呼哀哉昔在冲妙具惟兄弟四國  
並封五王均躰遊必連騎居則同邸各承爰於含飴俱受經於置醴既荏苒  
而云邁屬殷憂之將啓實定禍於蕭牆遂繼明於雲陛雖隔深宮

之衛常洽家人之礼曷殂謝以痛心感平生而流涕嗚呼哀哉爰  
懌茂典將崇上嗣表先聖之元良申友于之褒異紛鹵薄以徒設儼文物而  
空備彼神儀之如在乃群悲之所萃周礼從祔漢堂是陪先遠日而撰吉  
會同盟以送哀夜漏尽兮暗室啓庭燎殘兮曉挽催按三枝而徐進將一  
去而不迴嗚呼哀哉背朱門兮遲遲駟白驥兮駸駸野蒼茫而助慘風  
蕭颯而增悲翩翩兮素蓋寂寂兮畫帷遵舊途而何有覽陳跡以如疑  
面都邑兮不入侍陵寢兮有期惟光儀之永闕與昭代而長辭嗚呼哀哉潛  
清輝於幽窆昭鴻名於美跡將在皇儲之史豈伊諸侯之冊播遺芬於蘭  
桂傳不朽於金石諒紀言之在茲嘉德音之无斃嗚呼哀哉

惠文太子哀冊文

蘇頌

維開元十四年太歲景寅四月己酉朔十九日丁卯太傅岐王薨于洛冊  
謚惠文太子殯于正寢之西階仲夏景申將祔于橋陵礼也曉風北清魄  
月西照列鐸挽以嚴鼓出軒除而滅燎皇帝感深天倫寵異天人追遣奠  
於將遠動哀懷其若新震以貞位文以光謚爰詔司存迺甄遺懿其詞曰  
重立之門唐系居尊五色之土岐封効古瑤圖正位兄一弟二寶萼承庇

帝三王四嘗急難兮特詢以事竟扶翼兮能竭其志其志伊何程才則  
多武以之靖文以之和勇超乘年思奪東阿是日具尔曷云其他覃訐守  
成忠肅鍾美克順克比為臣為子河書聚學沛易窮理毫使露濡賦  
令雲起出咨岳政入慎邦紀魯衛則侔武桓斯擬傳于元嗣欽若端士  
徃錫朱旂來朝紫微家人輯穆藩后增輝甘旨不同而不膳珍華不  
共而不衣楚謀或隱梁籍寧違屬巡岱以封還侍升天而慶歸倚船兮  
揚名於後於錄兮修業可久富貴兮于何不有閭忽兮曾莫之壽嗚呼  
哀哉霄欲分漏華傳于奏天初辨時慮切乎思駿馬連蹕而交使近臣駢  
命而挾醫望君王兮何遲遲俯櫺檻兮猶若期至不至兮歎長辭悲莫悲  
兮惟此悲外皆罷輟兮內獨漣湍豈我季之在哉崇后儲以謚之孝依喬岳仁  
本京師莊泊文兮疇能忍茲灵輜稍發清道徐按整承華之鹵簿  
瞻德陽之宮觀樹陰陰於国門橋耿耿於天漢盈旧恋以迴復畜  
新哀以聚散莞然嗣王若不勝喪恫天地之何心愁閔山之已長夫儉為之  
德謙固其則存歿是膺惠文是徵存也高臺深池之不競歿也備物重器之  
不矜嗚呼哀哉典冊之有馮惠文之有稱故奉先皇之松柏成太子之園陵嗚呼

哀哉

惠宣太子哀冊文

韓休

維開元二十二年歲次甲戌七月庚申朔十日己巳司徒薛王薨于洛冊謚惠宣太子翌日殯于正寢之西階粵八月二日庚寅將陪葬於橋陵禮也涼陰戒炆白露凝夜僚哀挽於郊道儼虛容於池樹皇帝痛棟華之既凋矚蘭坂而增歎撫徽奠以無及恨潛泉之永閔光于典冊昇彼諸嗣爰命史臣颺言其懿其詞曰

於昭帝系濬發立裔逮克昇唐自薛而王粵有成德遂荒東國大啓土宇聿崇典則夫其秉靈在初迪哲惟濬惇敏秀鏘淳庀淑慎謀謨以成蹈道而順文英獨越武烈惟振百辟式瞻五常以訓惟茲大賢克楸天叙為藩為屏是輔是弼保厘我邦家左右我王室沛猷演易楚元說詩藝死不綜學罔有遺分以寶王建其旌旗出弘声政入替雍熙洛尔公族是惟敦睦主曰介弟罷其車服俾俟于京怡怡弟兄穆以家人之禮崇其藩后之榮曷常不樂彼同輿却東平之歸奏詢其異政欽北海之能名將以天倫之愛可以昭於載籍友于之道以可貫於神明冥其善有其慶禍

无其胎享此眉壽祐其多才胡勿藥以為疾逮弥旬而成災躬為禱兮无至誠以精兮所无備走群祀以累祈徵上醫而畢洎蒼黃而晦明未隔閻忽而古今斯異嗚呼哀哉神理无昧人寰已非想河洛其猶在望淮仙而不歸悲由中而自切情限禮而相違悵丙舍之云遠飾承華以增暉嗚呼哀哉靈龜肇吉服馬先路悼津門之永違遵河橋以直度茹哀洛陽之道旒靡成京之樹換憂歡於今昔變風景於新故嗚呼哀哉夫行以謚尊恩由禮盛申備物以增飾緬貞徽而獨映俾重為善之名以彰有後之慶嗚呼哀哉庭樹械以驚炆川波咽而不流歷神臯兮望國寢背華宇兮歸山立流塵滿兮虛榭暗綠苔生兮行徑幽惟盛德與鴻烈亦天長而地悠嗚呼哀哉

恭懿太子哀冊文

李揆

維上元元年太歲庚子六月己未朔二十六日甲申皇帝第十二子持節鳳翔等四州節度觀察大使興王召薨于中京之內廊殯於寢之西階粵八月丁亥冊贈皇太子廟號恭懿冬十有一月庚寅詔葬于長安之高陽原禮也鸞隊開封龍輜進轍陳祖載而就位嚴塗芻而成列皇帝哀



玉林之闕景憫璿萼而惟霜瞻蜃綉而增思懷鴈池而永傷考謚惟古褒崇有式爰詔史臣恭宣懿德其詞曰

維天祚唐累葉重光中興景運再紐乾綱本枝建國盤石疏疆克開聖胤寔曰賢王驪源孕彩日幹騰芳深仁廣孝蘊藝含章秀發童年惠彰髻齒蹈禮知方尊賢叶旨對日流辨占風繼美魯衛後塵問平絕軌胡孽初構王師未班爰從襁褓載歷險艱爰備中掖名崇懿藩居常稟訓動不違顏禮及佩觿朝加分器祚土延渥登壇受帥閱書成誦觀樂表音五經在口六律諧心才優藝洽絕古超今地豕猶梗寰區求乂滌慮祈真焚香演偈食去葷血心依定慧庶福邦家俾清兇穢霜露嬰疾聰明害神沉痾始邁彌曠盈旬正慮无擾發言有倫在膏方亟問善道勤雲物告徵星辰變象楚約无救秦醫莫仗靈儀香而上賓徽音邈其長往違舊卽於青社即幽陵於黃壤嗚呼哀哉魂氣奪兮去何之精靈在兮孝有思痛君親之永隔託夢寐而來辞延桂宮而震悼貫椒壺而纏悲旌遺芳於碣館育新命於儲闈嗚呼哀哉先遠戒侯占龜獻告者

指鷄野而西臨背鳳城而右出天慘慘而苦霧山蒼蒼而翳日揚薤挽之哀悽聆松埏之蕭瑟羅鳥伏以禮峻掩黃腸而密望馳道而長辞赴幽途而永畢嗚呼哀哉生為寵王兮宸爰所鍾歿追上嗣兮朝典斯崇昇玉笙於洞府閱銀絜於泉宮金石誰固兮人生有終簡冊攸記兮德音无窮敢直詞以篆美庶永代而承風嗚呼哀哉

昭靖太子哀冊文

蕭昕

維大曆八年歲次癸丑五月乙亥朔十七日辛卯開府儀同三司元帥鄭王薨旋殯于內侍省二十七日甲午冊謚曰昭靖太子洎十年歲在乙卯十二月庚申朔二十六日乙酉遷窆于万年縣細柳之北原乃詔京兆尹黎幹監護喪事展飾終之義禮也嗚呼哀哉窮陰肅冽煞景凝沍蜃輅方中龍駭在御設庭燎以朝夕啓攢塗而即路皇帝悼賢王之不淑念爰子之云亡齊彭殤以理遣頽形影而神傷錄舊勲於藩邸議新謚於太常瞻承家於七鬯追嗣位於元良爰命侍臣式纂建芳其詞曰

維昔啓土膺茲冊命錫爵為王建封于鄭梁國寵異魯邦禮盛  
明哲在躬溫良成性國步艱難邁茲師旅克生才藝允是文武  
乃拜元戎俾殲醜虜職思靖亂功期禦侮守師律以殿邦振威  
聲而先奉問安內豎視膳寢門隨肩明順兩色晨昏光輝棣萼友  
愛鷦原率禮不違人無間言招賢南楚爰客西園宗子維城王室以藩  
樂善未終沉疴斯起羣望並走衆鑿咸理有加元瘳蘭銷玉毀馳  
光度隙逝川閱水軫皇慈之惟化嗟國人之罷市嗚呼哀哉疇庸  
未紀度德則優宗以徽號闡其謀猷善則可旌禮无不酬吉凶域神  
理難求列前星之儲位昭申覲之靈虔換日月以有時備塗芻之將命卜窆從  
吉辨方居正董原霜苦松門雪映起寢廟之崇嚴制園陵之尊盛嗚呼哀  
哉輜車發軔緹騎前旌祖載奠撤簫茄哀鳴挽出離宮路迴直城羽儀  
以列徒馭不驚越素澹以東指背黃山而北征馳崗走以迴抱遠樹靡而低傾  
對驪宮以立表依細柳以開塋閔重局於空壤悲執紼於桓楹川杳杳以暝色  
野稍稍以寒聲仰清芬之不泯實昭晰於鴻名嗚呼哀哉

莊恪太子哀冊文

王起

維大唐開成三年歲次戊午十月乙酉朔十六日庚子皇太子薨於少陽  
院十七日辛丑遷座于大吉殿十一月乙卯朔二十四日戊寅命冊使太子太師  
兼右僕射門下侍郎國子祭酒平章事鄭覃副使中書侍郎平章事  
楊嗣復持節冊諡曰莊恪十二月乙酉朔十二日景申葬于驪山之北原莊恪  
陵禮也玉琯歲窮金壺漏尽祖奠告徹哀笳將引庭燎滅而月寒路搖菸而  
風緊皇帝念主鬯之缺位悼佩觿之天年銅樓已閉銀榜徒懸方追思  
於對日遽冥冥而賓天典冊具奉文物咸備爰詔侍臣顯揚上嗣其詞曰  
皇矣帝緒肇基綿古種德尊道宗文祖武上聖開成天下和平儲祉發祥  
是主元良覃訐之初岐嶷用彰蘊才游藝玉裕金相既免孩提是  
加封殖俾維城於東魯錫介珪於上國辭榮朱卮正位青宮尊師重傅  
養德含聰畏馳道而不絕問寢門而益恭招賢警戒齒胄謙冲冀  
日濟於三善奉天慈於九重漢莊好學既顯於外魏丕能文方循於內  
美不二於顏邁嘉得三於鯉退焜耀甲現鑑鏘瑜珮方積善於為山  
何反真而游岱嗚呼哀哉憂兢損壽沉疴始邁群望並走百靈宜祐吳客之問  
徒為越人之方靡教前星之掩曜知東朝之降咎天垂象而則然人由已而

何有嗚呼哀哉稅駕乘華兮即宮夜臺鳳笙長絕兮屢輅徐來啓青  
門而右出歷玄灞而左迴度凋林兮魂斷入曠野兮心摧水助挽而幽咽雲  
帶翠而徘徊悲佳城之已掩見新廟之方開嗚呼哀哉授經兮曷期執  
紼兮憎歎九原作兮何嗟及七日還兮安可希有少海之波逝先西園之蓋  
飛商山之羽翼已散望苑之賓客咸悵瑟彼玉簡闕于泉扉用傳信於文  
字願不泯於音徽嗚呼哀哉

罷祭

停官祭太子勅

勅諸贈太子頃年官為立廟并政享祀雖禮欲歸厚而情且未安蒸  
嘗之時子孫不預若專令官祭是以親間親逐此為常豈云教孝其諸贈  
太子有後者但官為置廟各令子孫自主祭其祭署及官悉停若死後者

宜依舊

開元二十  
二年七月

